

萬有文庫

第二集七百種

王雲五主編

明詩紀事

(九十)

陳田輯

商務印書館發行

明詩紀事

(九十)

陳田輯

國學基本叢書

萬歷中葉。王李之燄漸熾。公安竟陵。狙起而擊。然公安之失。曰輕。曰俳。竟陵之失。曰纖。曰僻。其始作之俑者。中郎俊脫。尙有才穎可喜。伯敬幽秀。尙有思致可賞。極其放失。輕佻變爲俚音。纖僻流爲鬼趣。亡國之音。有識所歎。其變而多歧者。如關西文太青。浙江王季重。楚北尹宣子。牛鬼蛇神。支離怪誕。然獨唱無和。世鮮譏彈。若專與弇州爲難者。江右湯若士。變而成方。不離大雅。顯矻于鱗之失者。山左于無垢。公孝與識。雖絕特。才乏殊尤。論者遂一概抹殺。謂萬歷一朝。無詩可採。夫風雨如晦。雞鳴不已。賢人君子。不爲世變而改操。十步之內。必有芳草。騷人韻士。不因晚季而絕迹。豈有上下數十年。縱橫一萬里。而謂抗音以歌。白雪絕響。陳詩而採。彤管無輝。豈通論哉。余博覽篇章。精覈藝藪。若區海目之清音亮節。歸季思之澹思逸韻。謝君采之聲情激越。高孩之之骨采騫騰。並足以方軌前哲。媲美昔賢。湯若士。李伯遠。謝在杭。程松圓。董遐周。吳凝父。孫甯之。晉安二徐。抑其次也。至萬歷人才。接迹天啓。奄禍滔天。穢濁一世。其與於逆案者。概屏不錄。竊附巷伯之義焉。宣統己酉仲秋。黔靈山樵陳田。

明詩紀事庚籤目

卷一

區大相三十二首

謝肇淛十首

李應徵十六首

卷二

高出二十八首

卷三

徐燿二十首

卷四

程嘉燧三十二首 嘉定四先生

婁堅五首

卷五

歸子慕十首

謝三秀三十二首

湯顯祖二十首

徐燿十三首

李流芳六首

唐時升九首

袁宗道二首 公安派

袁中道十首

譚元春二首

卷六

楊漣一首

繆昌期一首

魏大中一首

萬燦一首

卷七

董其昌六首

邢侗七首

胡宗仁二首

魏之瓚一首

鄒迪光四首

袁宏道十九首

鍾惺三首 竟陵派

左光斗一首

周順昌二首

李應昇五首

黃尊素一首

李日華十一首

王思任三首

米萬鍾一首

莫是龍六首

曹履吉二首

黃克晦五首

盛時泰七首

卷七下

陳繼儒八首

冒愈昌十八首

卷八

于慎思三首

于慎行十首

公鼎六首

董斯張八首

梅蕃祚二首

梅嘉祚一首

王象艮三首

陳价夫二首

宋珏一首

吳彬一首

郭造卿五首

詹景鳳五首

于慎言一首

公鼎十五首

董嗣成二首

梅鼎祚十五首

梅國祚一首

梅鵬祚一首

王象明一首

陳薦夫一首

黃維棟一首

劉膺昌一首

郭天親一首

華善繼一首

盧純忠一首

宿鳳翥四首

喻應夔一首

卷九

鄭學醇一首

黃鳳翔六首

陳于陞一首

沈一貫八首

蔡文範三首

龔勉二首

黃維楫一首

劉膺芳四首

郭天中一首

華善述一首

盧純學一首

宿鳳起一首

喻應益一首

梁紹震一首

王家屏一首

張位一首

鄭汝璧二首

朱孟震十二首

習孔教一首

劉應麒一首

沈懋孝二首

顧大典一首

沈思孝一首

陳堂一首

華叔陽二首

帥機一首

喻均二首

胡來貢一首

葉九金一首

胡汝煥一首

卷十

張元怵一首

吳中行二首

鍾庚陽一首

賈三近二首

陳巖之一首

唐可封一首

張一桂一首

唐邦佐二首

方沆二首

田一儁一首

程拱辰一首

徐大任一首

梁岳一首

鄧以讚一首

周嘉謨一首

王祖嫡三首

郭子章一首

郭子直一首

熊敦朴一首

秦燿一首

周光鎬一首

詹沂一首

宋儒一首

麥應中一首

卷十一

孫繼皋十二首

趙南星七首

李化龍三首

呂坤一首

馮時可二首

黃洪憲一首

劉珠一首

吳中立一首

方楊一首

王教一首

謝師啓一首

林章七首

余孟麟一首

李三才二首

孫鑛四首

謝杰三首

李堯民五首

曾夢鼈一首

顧國輔一首

游朴一首

伍讓一首

鄭須德一首

麥秀歧二首

卷十二

沈懋學三首

馮琦十四首

魏允貞四首

余繼登二首

顧紹芳一首

張維新四首

支大綸一首

林纘振一首

林兆珂四首

朱期至一首

曹一夔一首

黃閣一首

黃朝賓一首

曾朝節二首

王士性一首

鄒元標二首

馮夢禎三首

姜士昌二首

徐桂一首

楊起元一首

張文耀一首

沈九疇一首

陳泰來一首

張敬一首

萬象春一首

甘雨一首

卷十三

蕭良有二首

鍾羽正二首

章嘉禎一首

史旌賢一首

許弘綱一首

鄒觀光一首

趙崇善一首

朱維京二首

傅光宅七首

沈自邠一首

陸可教二首

李玄齡一首

馮大受一首

顧憲成一首

陳尙象一首

龍膺五首

黃克纘一首

柳希點一首

石崑玉一首

余寅一首

楊于庭一首

林廷陞一首

王庭讓一首

何三畏一首

卷十四

朱國祚一首

劉應秋一首

于若瀛十四首

殷都一首

朱長春二首

虞溟熙一首

鄒德溥一首

柯茂行一首

邢雲路四首

臧懋循一首

卓大任二首

張萱二首

李廷機一首

葉向高五首

郭正域一首

梅國楨一首

趙世顯一首

張壽朋四首

徐學聚一首

葛曦一首

王萱一首

卷十四下

閃繼迪一首

曾仕鑑四首

黃居中二首

卷十五

唐文獻一首

安希范三首

王嘉謨一首

王一鳴二首

張文柱一首

卷十六

焦竑三首

黃輝十一首

陳翰臣一首

余祖頤一首

劉黃裳九首

袁黃二首

吳應賓一首

周獻臣一首

陶望齡五首

馮從吾一首

高攀龍七首

祝世祿一首

傅新德二首

方大鎮一首

莊天合二首

郝敬一首

陸彥章一首

萬嗣達一首

卷十七

鄧原岳十一首

畢自嚴一首

張五典一首

王在晉三首

張三極一首

劉文卿一首

林堯俞五首

馮有經二首

章士雅一首

戴士衡一首

陳所蘊一首

鄭明選三首

張民表一首

江盈科四首

王樂善二首

李騰芳一首

石九奏二首

馬應龍一首

張延登一首

岳和聲一首

陳懿典一首

卷十八

朱之蕃一首

孫慎行一首

王惟儉一首

蕭近高二首

陸錫恩一首

高承祚一首

呂克孝一首

胡震亨一首

卷十九

趙秉忠一首

丁起濬一首

徐必達一首

潘榛一首

湯賓尹一首

劉一燦一首

蔡復一三首

范允臨二首

賀燦然一首

袁時選二首

張應申一首

邵景堯二首

顧起元六首

周如磐二首

鄧漢五首

黃汝亨十首

鄧雲霄一首

邱禾實一首

曹徵庸一首

徐良彥一首

董應舉一首

倪尙忠一首

謝廷讚一首

劉世教一首

顧雲鴻二首

卷二十

何如寵三首

熊廷弼一首

陳邦瞻九首

黃起龍一首

范鳳翼二首

阮自華一首

沈孝徵一首

方承郁一首

何棟如一首

劉時俊一首

李春熙一首

王嗣爽一首

張以誠一首

曾可前二首

鄭以偉一首

劉永澄二首

俞彥二首

徐禎稷四首

董光宏一首

袁懋謙一首

孫光裕一首

蕭丁泰一首

卷二十一

徐光啓一首

李待問一首

楊鶴一首

王衡七首

熊明遇一首

雷思霈二首

楊思孔二首

陳勳三首

馮奕垣一首

蔡善繼二首

宋燾一首

王元翰一首

侯正鵬三首

傅淑訓一首

黃儒炳一首

吳應琦一首

趙彥復二首

戴九玄二首

樊良樞一首

王家植一首

劉士驥一首

越其杰七首

卷二十二

成基命一首

何南金二首

潘潤民一首

徐鳳翔一首

賈必選一首

楊嗣昌一首

王象春三首

朱之臣二首

鄧澄一首

李若訥一首

戴耆顯一首

李之世六首

韓日纘一首

鄒維琿三首

周泰峙一首

趙頤一首

張慎言二首

文翔鳳一首

馬之駿二首

王志堅一首

鄭之文一首

譚性教一首

邱禾嘉三首

卷二十三

吳姓一首

方震孺一首

白正蒙三首

方大鉉一首

周京三首

蔡文第一首

錢士升一首

彭汝楠二首

方孔炤一首

區龍貞一首

陳玄藻一首

吳伯敷一首

許善所一首

李孫宸二首

葉燦一首

齊琦名一首

王應熊二首

俞琬綸一首

羅賓王四首

劉榮嗣五首

謝士章九首

劉鐸一首

方大任一首

吳尙默一首

林枝橋一首

黃聖年三首

李衡二首

袁崇煥一首

高道素一首

姚希孟二首

卷二十四

張懋忠二十首

鄧子龍二首

張可大一首

安國賢一首

卷二十五

陳熙昌一首

魏浣初一首

孫朝肅一首

沈德符六首

徐人玉一首

丁乾學一首

吳麟瑞一首

雷躍龍一首

劉綰一首

喬一琦一首

杜文煥五首

邱坦一首

陳昂七首

葛一龍十一首

李能茂十首

楊承鯤十二首

俞安期二十六首

卷二十六

柳應芳五首

林世璧一首

方堯治一首

王醇三首

吳夢暘一首

秦鎬一首

周應辰一首

虞伯龍一首

吳鼎芳十二首

范汭八首

吳兆十首

吳敏道十八首

何白三首

斯一緒二首

商家梅一首

薛岡二首

米雲卿二首

石沆一首

戎玠一首

張正蒙一首

程伯陽一首

孫友篋一首

孫名由一首

應臬二首

何璧一首

汪樞一首

諸葛鯨一首

盛鳴世三首

姚旅二首

李竣一首

唐汝詢二首

邢大道三首

王嗣經一首

王伯稠二首

鍾恠二首

葉之芳三首

游及遠三首

沈野一首

王野一首

汪禮約三首

費元祿二首

逸希韓一首

吳孟堅一首

朱應龍一首

稽元夫二首

吳紹奇一首

吳鑽一首

張振藻一首

卷二十七

孫鎮十四首

鄭玟四首

裴邦奇六首

程可中一首

安紹芳三首

卷二十八

瞿汝稷一首

費懋謙一首

田藝蘅一首

潘光統二首

杜開美三首

顧從義一首

劉繼善一首

陸弼六首

曹子念一首

聞龍一首

葉太叔三首

屠本峻一首

吳稼澄四首

袁應福一首

林世吉一首

邱峻一首

趙士亮二首

卷二十九

邵正魁一首

方問孝十二首

豐越人二首

吳元樂一首

秦延勳一首

吳伯敬一首

王環一首

鍾薇一首

馬之瑜一首

齊鼎名一首

朱廷佐一首

汪宗孝一首

陸應陽二首

周才甫一首

梅守箕五首

欽叔陽一首

秦植一首

吳明珍一首

梅士勸一首

袁鶴聲一首

馬懋勳一首

錢可久一首

姚之邁一首

卓發之一首

許經一首

卷三十

吳魁一首

王勣一首

王醒之二首

葛幼元四首

蘇景熙一首

范之默二首

廖孔悅三首

陳宏已二首

董養斌一首

許樵一首

鄒景賢一首

陳仲溱一首

陳邦注一首

吳鎮一首

江一山一首

湯有光四首

黎密一首

朱完三首

鄭爾忠一首

陳鳴鶴一首

鄧欽文一首

王應岳一首

劉潢一首

沈啓元一首

王崑仲一首

康當世一首

姚貞一首

洪寬一首

王同軌一首

周如埏一首

林元協一首

蔡鈺一首

顧斗英三首

王湛一首

沈翰卿一首

卷三十下

袁崇冕一首

卜舜年三首

陳元素一首

茅維二首

陳椿一首

何體性一首

徐益孫一首

梁士奇一首

毛子亨一首

鄔佐卿一首

袁敬烈二首

梁天佑一首

王留七首

邵潛二首

趙宦光一首

吳拭四首

寇學海四首

張大復一首

李之茂一首

孫穀一首

沈承一首

朱鷺二首

齊萊名一首

明詩紀事卷一

庚籤

區大相三十二首

大相字用孺。高明人。萬歷己丑進士。選庶吉士。授檢討。歷贊善。中允。改南太僕丞。有太史集二十七卷。

陳子壯文忠集。海目先生以太史名粵。其詩特甚。心手相應。音節和諧。蓋家能誦人能說矣。

廣語。嶺南詩。自張曲江倡正始之音。而區海目繼之。明三百年嶺南詩之美者。海目爲最。在泰泉、關汀、崑山之上。漁洋詩話。粵東詩派。皆宗區海目。

靜志居詩話。海目持律既嚴。鑄詞必鍊。其五言近體。上自初唐四傑。下至大歷十子。無所不仿。亦無所不合。嶺南山川之秀。鍾此國琛。非特白金水銀。丹砂石英已也。又云。海目五言律。如純鉤初出。拂鐘無聲。切玉如泥。又如鏡吹平江。秋空清響。

明三十家詩選。海目詩。思深而不苦。律細而不狹。氣壯而不厲。調高而不浮。樂府蘊藉。五言高秀。掩歐、梁之前軌。開陳、屈之先聲。誠嶺南風雅領袖也。

田按。海目稍晚出。及與歐楨伯、黎惟敬倡和。其天才俊妙。與惟敬略相伯仲。惟敬長於五古。海目長於五律。各有擅場。海目之言曰。近世求多於古。自用我法。未免恣睢於情之中。而決裂於格之外。按之而不合節。歌之而不成聲。此當爲公安而發。能自樹立者。類不爲風氣所轉移也。

西湖春遊曲二首

上路填車馬。中流沸管絃。折花傷玉手。照水落金鈿。及此芳春日。俱宜妙麗年。燕巢知歲別。鶯語識年華。獨坐閒調瑟。明粧出浣紗。春風日暮起。愁殺上湖花。

思歸引

惜別奈遠別。思歸猶未歸。近來容鬢改。應爲信音稀。

採蓮曲二首

錦袖清川曲。紅粧綠水洲。可是憐孤棹。時時出並頭。別浦千花暝。回舟一水香。停橈休更折。留著伴鴛鴦。

詠燭效小庾體

洞房戀夜色。銀箭起更籌。影亂彈棋席。光多教舞樓。花生應待喜。淚落不關愁。未上西園月。偏能美夜遊。

臨春臺

載酒臨春臺。徘徊不能已。東風如有情。飄蕩樽前起。爲將看花意。吹渡春江水。

贈吳孝父歸黃山

黃山連碧虛。上有軒轅居。丹臺久蕪沒。何客此結廬。結廬獨長往。早發金庭想。高揖曹阮輩。煉藥恣偃仰。

紫房閑綠苔。清澗裊雲來。丹井昔常潔。瑤宮今始開。自爲黃山客。醉拂黃山石。兀然發孤嘯。千峯斂暮色。何時啓石關。投足徧人寰。意欲窮九有。歸臥雲松間。君去亦多時。君來何太遲。容成與浮邱。招手白雲期。昔落風塵裏。名姓在人耳。今返煙霞際。悠然與終始。三十二蓮峯。蕩漾金芙蓉。歸來當見憶。雲鶴許相從。

泊餘干口

問水識江介。瀕湖見茲縣。適越道里盡。入楚衆流亂。汀唱聞漁榜。山煙起樵爨。浦暗菱苕稀。岸赭霞光絢。鶴侶衝人起。魚羣驚棹散。節物客裏移。鄉愁酒中斷。王程未及瓜。鄉路已過半。行役其如何。臨流暫觴翫。江海寄勞人。安土庶無悶。

安期巖

長謠白雲曲。一扣紫巖扉。陟磴嵐隨杖。攀蘿翠滴衣。瑤華紛可掇。仙嶠望中微。海上三清鳥。傳書幾歲歸。

嶺上望中原

嶺樹鬱蒼蒼。千峯劃大荒。路盤秦棧沒。天入楚雲長。地曠留銅柱。春深貢越裳。古來思猛士。無乃固金湯。

江上弔屈原

去國情如昨。懷歸復幾時。皇天難具問。公子敢言思。風雨湘靈泣。魚龍夢澤悲。九歌君不見。空自擷江蘼。

戲馬臺

乾坤龍戰日。西楚氣雄哉。叱咤千人廢。騰驤獨馬來。雲深距鹿野。日落彭城臺。霸業何銷歇。傷心但草萊。
始赴東山口楊村莊作

荆扉頽岸引。蔬圃亂流通。包橘無千樹。芳蘭自一叢。暮雲丹水北。古峽蒼梧東。柳外春沙沒。哀哀何處鴻。
摩訶菴尋僧不值

杖錫是何適。雲霞少定蹤。呪龍餘鉢水。留鶴伴階松。野立看遙嶂。孤吟待暝鐘。仍聞弟子說。早晚下西峯。
館中雜詠錄一

簿領知無分。文章自有家。勤時惟筆札。散地卽煙霞。褊性淮南橘。閒情杜曲花。幽盟關物理。疲馬戀休衙。
聞甯夏變起

近傳寧夏卒。殺將乃橫行。養虎雖貽息。操戈亦有名。預愁句逆虜。遂恐失堅城。柳外清笳曲。誰吹塞上聲。
九日偕諸客八里莊登眺飲非幻上人衆芳亭

陶公愛九日。而我一樽隨。郊寺隱松葉。主僧開竹籬。背人南雁疾。留客曉鐘遲。莫上高臺望。臺高多所思。
以詩代書寄張羽王

美人家何在。言住湘川湄。獨立歎無與。采芳何所遺。春情寄瑤瑟。幽怨結江蘼。頻夜尋君夢。雲山九處疑。
游宗謙至自塞上別歸莆

木蘭陂上客。還泛木蘭舟。芳草還家路。黃榆入塞秋。海鷗翔不下。野鶴暮何求。莫訝游歸晚。山人本姓游。
黎惟仁梁少仲麥仲張黎君璽邀集浮邱

聞有遼東鶴。千年始一還。我來仍未遠。遺跡尙堪攀。訪舊期餐液。求仙憶住山。滄桑何足問。小別鬢成斑。
送慧上人還江南兼寄陸伯生文學

孤雲與獨鶴。去住本無依。覺路何人往。空門羨爾歸。晨鐘吳苑樹。晚飯越山薇。相見陸居士。茶經對息機。
曉過南溪偕道公

朝來北林下。偶與山僧期。復值松風至。翛然箕頷思。笑談欣有得。歷涉遂忘疲。報道前宵雨。南巖長紫芝。
同四兄七弟汎舟海上望西樵

七十二芙蓉。仙家第幾峯。天清攬黛色。秀出海雲重。地與蓬瀛接。人將鸞鶴從。此行若結字。何異三茅蹤。
南行感懷四十首錄四

友人賀伯闇吏部。以感懷五言近體詩四十篇見示。賀君忠孝端諒。讀其詩。頗有激於余衷。南行之日。感時觸事。亦作此詩。篇如其數。然賀君以四歲懷抱。並洩於篇。而余成之一時。雖各有所爲。其於忠君愛國。憂時懷土。與寄則一。詩因賀興感。故作和賀云爾。渡淮而詩成。因呈淮陽巡撫李公道甫。并貽海內二三同志。

獨客黯無語。深更坐轉幽。愁心偏畏夜。頽鬢不禁秋。國事憑黃口。皇恩眷白頭。雷同人總喜。藿食爾何憂。聞道貂璫輩。由來爲掃除。先朝停鎮守。近日典方輿。貢採山川竭。徵輸井邑虛。明明皇祖訓。宮府意何如。厥貢元稱下。荒年亦自輸。但聞鬻妻子。甯復問田廬。水土司空職。漕渠太史書。何時覩河洛。萬姓免爲魚。每歲中官出。人思答聖情。閭閻歛愁歎。神鬼害驕盈。不復憂天墜。何曾見海平。愚夫勞過計。小物有微誠。

田按。萬歷時。礦稅中使四出。民不聊生。海目又有田家吟云。莫笑田家歡樂少。漢家天子尙憂貧。過皇店云。皇家新店跨神州。泉府雖盈萬姓愁。今日何人憂國計。獨勞天子自持籌。袁周季漢事。同茲一慨。

送張廷評赴南都

南去雲山郭裏登。法曹閒似六朝僧。城邊人吏迎淮水。竹下官齋到蔣陵。策馬晨趨三署月。挂帆春斷九河冰。東南民力須封事。可但憑高問廢興。

春塘曲

天桃穠李間垂楊。青鬢朱唇雜粉光。歌罷采芳人不見。落花無數點迴塘。

從軍行

焉支山外黑雲連。翡翠樓中明月懸。未聽胡笳先下淚。行人無事莫臨邊。

北行江上日望舍弟南歸信息

得承嚴譴是恩波。去國還家思若何。莫道故園春事少。古來遷客嶺南多。

歸子慕十首

子慕字季思。崑山人。太僕丞有光子。萬歷辛卯舉人。崇禎初。追贈翰林待詔。有陶菴集四卷。

安希范天全堂集。余雅聞高存之言。歸季思隱居蕭寂之趣。與淵明田園詩首章絕類。不禁神往。乙巳十月。過崑山。訪之西岡村。衡門流水。短牆及肩。榜曰衡門鬢鬢。泌流洋洋。蒼頭迎門。衣履樸野。云。主人不在。當卽至矣。入門。檀籬蕭疏。畦圃縱橫。矮屋五六間。聯曰。草木欣相得。江山閒自如。中闢二扉。室可方丈。壁俱蘆竹夾成。飾以泥柱。聯曰。農圃聊相偶。琴樽且自陶。庭前左右兩舍。舍前縛竹成架。枸杞蔓之下。種甘菊。舍中聯云。對榻草蔬田舍話。一林風月主人心。周行籬落。徘徊庭戶。默誦淵明詩。真無一語不合。久之。季思至。丰神蕭爽。別有一種孤雲野鶴氣味。促膝而談。小童供甘菊湯。良久。季思欲止。余餐。余欲乘潮歸。季思遂至舟。且訂後期。篷窗中望季思入林。意更依依惜別。人生不過數十年。終日碌碌。沈酣苦趣。今見季思所有。令人爽然自失。

陳濟生啟。禎兩朝遺詩。待詔詩。超然絕塵。於陶彭澤殆神似之。

列朝詩集。季思清真靜好。五言詩淡雅似其爲人。

靜志居詩話。季思詩學陶。而得其神髓。章蘇州後。鮮有其倫。誦之令人增竅。飄陋巷之樂。

田按。季思人品高潔。抒寫性情。與柴桑風趣不遠。所謂惟其有之。是以似之也。古今擬陶者多矣。東坡尙苦不似。況其他乎。

偶成

昔棲越山裏。樓小如方舟。泛泛出青林。日日雲端游。慮澹心自開。曠焉見滄洲。於今學靜息。茲理足一邱。

清風亦啓予。逐逐爾焉求。

戊戌秋夜郡邸不寐

中宵寒自撫。寤然思不汨。風開不扃戶。牀前瀉明月。明月漸上牀。團團樹中沒。惟見蒼莽間。古剎靜突兀。昨日同游人。各各歸偃息。宵旦送往事。古今坐超忽。風吹殿角鈴。不寐到明發。

己亥二月過高存之濼湖精舍

恰到湖上時。豁然景初霽。棟宇歡新成。怒如探靈異。曲折窮內觀。縱目覽外勢。湖山自得所。在人善安置。向背既不違。自覺人情遂。湖邊理新畝。窪下當早計。若不高隄防。何以禦水至。草舍兩三間。從此宜葺治。無失田家風。更助林泉致。常懷耦耕好。君今啓我意。共爲隴畝民。欣然以沒世。

暮春

爲歡不卜日。當前是良辰。麥青菜花黃。所見物物新。溫緩東來風。到面人不噴。不因酒力多。好景亦酣人。怡然柳陰下。欲語難爲陳。

期顧德甫兄弟看花不至

脈脈春欲深。遲遲日方午。閒門溪橋邊。寂寂桃花隴。淺水潮初生。漁舟倒出浦。無奈東風狂。花落不可數。

五月五日採藥

采藥復采藥。采采西復東。麻長村徑狹。曲折隨兒童。采采及墟墓。偶與前林通。前林樹木嘉。就蔭當清風。村人競采藥。怡情聊與同。盤桓不能歸。永日以從容。

雜詩二首

有生不暫靜。擾擾勞經營。所希在明日。今日何由甯。日日去不知。如涉萬里程。亦思一息肩。其如願未盈。息肩竟何年。奄然大命傾。

溼薪須緩燃。漏釜宜急炊。緩急不相能。吾力將安施。釜薪可奈何。不如兩置之。置之復不得。毋乃人事違。釜漏鐵可補。薪溼陽日曦。事在反掌間。爲此我何辭。得爲是我分。此外何所悲。

癸巳冬寓杭州西湖寄世周

西湖如此好。胡爲忽茫然。念我平生交。王生洵忘年。爾髮既種種。逸興何翩翩。一生寄花鳥。沒齒委林泉。山路細猶識。草名微亦傳。家傍城東隅。曲抱清溪連。翳然濠濮想。水木澹階前。嶽游撫拳石。鵬息葉底眠。取物政眇小。託志蕩無邊。世事一不解。談詩如雲煙。疑君乘白雲。吹笙過我前。儻逢赤松子。招予以俱仙。

辛丑王世周年六十贈以是詩

憶我西湖篇。贈君語歷歷。倏忽踰九年。君今已六十。流光逝如許。胡能不相惜。慙慙酌君酒。祝君壽千億。言出親愛口。願望何窮極。雖然眼中人。誰爲齒過百。空持無涯想。蚩蚩詎非惑。請君盡一杯。更端爲君悉。

聞君少壯時。燕京倦行役。壯志不得伸。蓬廬歸偃息。少年歎不遇。不遇老更適。早若沾華臙。白頭正戚戚。何如老子閒。優遊送晨夕。且畢今朝歡。行止任來日。與君雖分形。百年終混一。當時遊仙志。自笑非通識。天地豈不長。而作赤松客。

謝肇淛十首

肇淛字在杭。長樂人。萬曆壬辰進士。除湖州推官。改東昌。遷南刑部主事。改兵部。工部。歷郎中。出爲雲南參政。歷廣西按察使。遷布政使。有小草齋集六十卷。

張獻翼文起堂集。在杭旣美才情。尤深寄興。

王穉登南有堂集。在杭詩。寄興微而纘詞雅。取調古而命意新。

小草齋詩話。萬曆己丑。予與徐惟和。下第過杭州。六和塔。愛其幽靜。各賦一詩。欲題壁間。而寺僧號呼。奈何。浪奔吾壁。吾且取水滌之。予笑不復題。越三載。予拜吳興司理。行部至杭。詢之。則寺僧懼罪。逸去久矣。余大笑。因復題云。雙旌五馬繞江城。驚起山僧合掌迎。三載重來渾似夢。終軍原是棄繻生。

列朝詩集。林若撫曰。在杭詩以年進。下菰集。司理吳興作也。坐論需次。眞州有鑿江集。移東昌。有居東集。格調漸工。然其詩亦止於此。嘗有寄余詩云。曾從紫氣識龍文。忽見新詩過所聞。老去自慙牛馬走。書來猶問鹿麋羣。春城樹色連吳苑。夜雨鴻聲叫海雲。荔子輕紅榕葉暗。相期同拜武夷君。在小草齋全集中。晚年所作。聲調宛然。不復進矣。余觀閩中詩。國初林子羽。高廷禮。以聲律圓穩爲宗。厥後風氣沿襲。遂成閩派。大抵詩必今體。今體必七言。磨礱磨盪。如出一手。在杭近日閩派之眉目也。在杭故服膺王李。已而醉心於王伯穀。風調諧合。不染叫囂之習。蓋得之伯穀者爲多。在杭之後。降爲蔡元履。變閩而之楚。變王

李而之鍾。譚風雅。陵夷閩派從此燔矣。

靜志居詩話。在杭格不聳高。而詩律極細。其持論亦平。如于鱗。元美。子與。伯玉。皆所傾心。漫與詩云。徐陳里閉久相親。鍾李湖湘非吾鄰。丸泥久已封函谷。怕見江東一片塵。徐指孝廉惟和。山人與公。陳謂文學汝大。孝廉幼孺。山人振狂。是時竟陵派已盛行。而在杭能拒之。又云。石倉衣鉢自章陶。吳越從風赤幟高。若問老夫成底事。雪山銀海瀉秋濤。此則在杭自任匪淺。

香祖筆記。謝在杭小草齋詩話云。明詩遠過於宋。又云。本朝僅數名家。自追上古。然刻畫摹擬。已不勝其費力矣。其他作者如林。上乘雋語。人不數篇。要其究竟。尚不及宋。宋人有實學。而本朝多剽竊故也。二條自相矛盾。當以後論爲允。杭世駿道古堂集。謝在杭曹能始。徐惟和兄弟。標聲闡義。鼓吹海隅。猶未能登述作之堂。

杭世駿榕城詩話。謝在杭小影一幀。予得見於鼇峯坊薛士玉家。豐頤隆準。粹容充悅。姬人桃葉。就其所執之卷而舒之。流觀眇眇。翩若燕翔。童子羹茶。石鼎沸聲。與松籟互答。蓋曾鯨所寫也。考公居東集。有雪夜寄侍兒詩。又有壬寅元日寄桃葉侍兒詩。又有客中夢桃葉侍兒詩。鑿江集中。又有六憶詩。寄桃葉侍兒。又代答詩。則公之繾綣於桃葉者深矣。同時徐惟和有侍兒名紫玉。見幔亭集。

明三十家詩選。在杭詩。清園俊朗。遠勝王伯穀。而虞山深詆閩派。庸熟蹈襲。如出一手。又謂在杭風調諧合。得之伯穀爲多。其月旦顛倒如此。絳雲一炬。豈非天哉。

田按。在杭近體。與徐惟和兄弟相抗。古體爽健。在晉安詩派中。特高一格。

送練中丞遺裔歸家有引

自金川門之變。練公子甯以御史大夫抗節死闕下。闔門荼毒。獨有侍媵抱而歲子。匿民間得免。

展轉入閩。爲人傭保。六世孫綺者。爲新甯陳孝廉掌書記。萬曆戊戌。孝廉計偕入浙。有江右生同舟。先一夕。生夢練公持刺謁己。心異之。比入孝廉船。見書記侍側。雅皙不羣。指問何姓。答曰。姓練。生心動。叩之曰。得非吾里練中丞後乎。綺不應。而涕淚滿面。生益疑駭。窮詰之。具得其狀。亟以百金爲贖。孝廉不受。遣綺。綺不肯行。曰。以死殉國。人臣之恆。且九族赤矣。歸將何爲。生益賢之。歸家。具白當事者。以幣來聘。授以衣巾。俾奉公祠。官爲置田廬百畝。一時聞者。莫不歎息泣下。以爲天道有知云。

燕山日黑黃塵起。金川門外鼓聲死。長樂宮爲瓦礫場。殿庭流血成海水。御史大夫練子甯。手持三尺干雷靈。覆巢自分無完卵。一門百口歸冥冥。事去人亡三百載。蘆荻蕭蕭餘故壘。長陵楸柏已十圍。孤臣遺骨今安在。釣龍臺下水可楫。新甯城東山巖巖。灌園誰能識法章。傭肆猶堪藏李燮。一日天迴地轉時。千金購出練家兒。若敖之鬼終不餒。行路聞之皆歔歔。我登鍾陵山。遙望石頭城。甯爲孝孺死。不作陳瑛生。爲君慷慨終一曲。悲風颯颯江波綠。

南旺挑河行

堤遙遙。河瀾瀾。分水祠前卒如蟻。鶉衣短髮行且僵。盡是六郡良家子。淺水沒足泥沒胛。五更疾作至夜半。夜半西風天雨霜。十人八九趾欲斷。黃綬長官虬赤鬚。北人騎馬南肩輿。伍伯先後恣訶撻。日昃喘汗

歸籬條。伍伯訶猶可。里胥怒殺我。無錢水中居。有錢立道左。天寒日短動欲夕。傾筐百反不盈尺。墓傍溼草炊無煙。水面浮冰割人膝。都水使者日行隄。新土堆與舊岸齊。可憐今日岸上土。雨中仍作河中泥。君不見會通河畔千株柳。年年折盡官夫手。金錢散罷夫未歸。催築南河黑風口。

采菱詞

長歌短歌采菱詞。飛來飛去青鸕鷀。西風吹波綠於染。羅衣女兒如花面。玉簫一曲初學吹。月白千峯人不見。

題吳興海天閣道場山

飛閣接天都。珠宮控太湖。山光圍百雉。野色入三吳。木落禽聲盡。雲崩塔勢孤。東南多王氣。回首起栖烏。

列朝詩集徐與公云。雲崩塔勢孤之句。爲時人傳誦。鄭翰卿寄詩云。翠荇青蒲碧浪湖。裁詩對酒憶人無。謝郎近日縱橫甚。尙有雲崩塔勢孤。

賦得新柳送別

短岸復長堤。黃輕綠未齊。曉風吹不定。春雪壓常低。草細偏相妒。鶯嬌未敢颺。年芳君莫問。日落灞陵西。

登鹽官秦徑山

獨倚孤峯望野煙。海風吹浪欲浮天。早秋角動軍城戍。落日潮生估客船。霸業東南餘越土。殘碑甲子自

秦年傷心千載興亡地。晴鳥寒猿夕嶂邊。

送徐興公還家

楓落空江生凍煙。西風羸馬不勝鞭。冰消浙水知家近。春到閩山在客先。斜日雁邊看故國。孤帆雪裏過殘年。憐余久負寒鷗約。魂夢從君碧海天。

過隋宮

玉鉤金屋事淒涼。夜夜愁雲過苑牆。王氣已隨歌舞盡。山花猶作綺羅香。宮城寒雨鳴黃葉。輦路悲風起白楊。最是無情江上燕。獨銜春色上空梁。

宮人斜

落花嗁鳥怨青春。生不銜恩死作塵。長信月明秋寂寂。君王只夢李夫人。

七里灘

七里灘頭雲不開。富春山水灤洄。漢家世業成秋草。江月年年上釣臺。

謝三秀二十二首

三秀字君采。一字元瑞。貴州前衛人。萬曆中以貢生爲教官。有雪鴻堂。遠條堂二集。

大泌山房集。君采詩格整而不滯。氣雄而不亢。指深而不晦。致清而不薄。詞麗而不浮。諸體無不精當。

王祚遠□□集君采遠條堂詩才情所擅發越清迥前驅海內誰曰不可

陳允衡詩慰君采造語渾成卽偶入纖詞不失大雅

吳中蕃撤帚集君采詩涵泳於三唐蜂釀卯伏神情氣味無不肖冲融淹潤絕無鬼趣露習

靜志居詩話君采詩甚清穩由其生於天末習染全無黔人之軼倫超羣者

傅玉書黔風舊聞錄君采詩精警超詣卓然可傳

黔詩紀略君采詩雋永冲融與東南作家建詞擅旗鼓有正始遺音天末才子之目

田按君采詩逸宕超鍊絕去囂塵有明三百年來黔中詩家當推首出朱竹垞與王漁洋書論萬歷南中詩人第及海目季思

伯遠允升在杭能始而不及君采猶未免眇域之見

楚人易又玄以畫障見貽短歌答贈

易生繪事稱擅場遠遊自裹千里糧短褐蕭蕭渡易水悲歌醉臥酒人傍六月涼風開北牖戲拈秃筆不停手百尺長松十丈泉生綃髻鬚寒雲走知君此技妙入神滿壁滄洲不療貧囊裏無錢可留客茗鑪但煮雨前春油壁車流蘇帳五侯七貴爭相尙千金不惜買篁篔半縑未肯圖屏障長安城中難久留世事如棋君且休請看燕市雙蓬鬢何似湘江一釣舟吾聞紫蓋之高麗天表七十二峯青未了君如長嘯歸故邱頭顱宜向此中老

夏日集薛文叔孝廉西崑放舟川上作

茅堂朱夏枕潺湲。積雨空林深掩關。偶晴騎馬衝泥至。一尊坐對城西山。朝對城西山。暮泛城西水。西水
泔泔竹箭流。西山蠹蠹芙蓉紫。錦纜隨風不用牽。濠濮之想何翛然。百尺綸竿嚴子瀨。一床書畫米家船。
酒杯入手浩歌發。頭不裹巾足不襪。浮雲散盡江天青。金波忽漾一梳月。汗漫疑乘貫斗槎。何須燒燭照
江花。別有小航載簫鼓。夜深餘響落蒹葭。

安莊夜聞警

鼙鼓中宵急。愁聞戰伐頻。數家出煨燼。一郡入荆榛。地亂難爲客。途窮恥傍人。披衣待明發。華髮鏡中新。
得胡大韶手書卻寄

數有懷人夢。書來慰鬱陶。貧猶依阜帽。誼不淺綈袍。病葉先霜下。陰蟲未雨號。采芳聊寄汝。秋水正容飴。
湘東

草草三湘客。遙遙萬里舟。賣蓑沙上市。曬練水邊樓。遠影歸鴉疾。寒聲過櫓柔。白雲與紅葉。一望一層秋。
秋日同無過諸君拏舟至惠衆寺看竹

川路行忽盡。榜船秋樹根。斷煙生絕壁。殘日下空村。岩近多逢雁。峯高愁聽猿。杖藜因看竹。夜打老僧門。
夜宿西屯人家

西村襍被酒初香。寒逼莎雞漸入床。深巷犬聲如豹吠。空田鶴影似人長。山樓笛起家家月。野浦砧殘夜

夜霜垂老生涯。稼穡在衡茅。吾擬老柴桑。

越郡丞玉岑公江閣

占斷南明水一灣。飛樓縹緲隔塵寰。園同莊叟逍遙趣。山在孫登嘯咏間。曲檻落花驚鶴定。空潭柔櫓妬鷗閒。招攜總是漁樵侶。松火秋雲共掩關。

寄金谿友人

別時猶記草如茵。玉馬峯前共愴神。南國一從青桂老。西江幾換白蘋新。擬攀瑤樹思公子。未折瑤華贈美人。今日題詩問龍劍。不知何地是延津。

懷歸

客思悠悠仍忽忽。欲歸未歸將奈何。已聞盤江足瘴癘。況乃疊水多兵戈。暮憶百壺苦無酒。朝吟一篇聊當歌。滇池可望不可即。五華山色空嵯峨。

送洪山人還新安

離心江上逐流波。渺渺孤帆載雪過。橐裏黃金緣俠盡。尊前白髮傍愁多。向來腸胃無塵土。此去衣裳有芰荷。我亦天涯感流滯。對君中夜幾悲歌。

再訪德山青蓮社值建中上人歸

兩渡扁舟訪釣灣。開門童子報師還。經旬漾楫移深浦。昨夜梯雲宿舊山。蓮社可容陶令醉。蒲團聊對遠公閒。馬蹏明日長安道。回首中峯積翠間。

晚登滕王閣

楓樹凋傷旅雁驚。浮雲西滿豫章城。山川已屬詞人手。樓閣猶懸帝子名。萬里帆檣天外盡。千門燈火望中明。由來信美非無土。幾度登臨百感生。

王百穀席上送湘蘭過武林

平明折柳送仙艤。江雨江煙可奈何。握手一尊吳市酒。斷腸三疊渭城歌。蘇臺草合看麋鹿。越國村荒問芑蘿。遙憶西湖乘興處。畫橈雙動白鷗波。

黃岩舟中風濤橫作艤棹江湄詰朝喜霽

萬壘煙濤島欲浮。石尤無賴暫維舟。檣頭暮雨桃花溼。港口春潮竹箭流。避浪亂帆投別浦。依人寒雁宿中洲。披衣坐待江門曙。旭影曛曛射舵樓。

飛雲洞

亂後招提喜獨存。上方鐘磬靜黃昏。松穿怪石仙人掌。月覆空潭玉女盆。僧慣煮茶尋雪乳。客還攜酒對雲根。重來莫遣迷歸路。記取桃花是洞門。

送詹壁侯之遼陽

我訪赤城霞。君踏黃沙月。別愁誰較多。看取雙華髮。

安陸舟中

茅茨八九弓。人家住江口。何處打漁船。明燈夜沽酒。

城南江亭

秀月吐層潭。清輝幾千丈。何處夜漁歸。前村人語響。

江上

江天千尺波。江村一夜雨。野艇小如瓜。搖搖下南浦。

披雲巖

晚起雲分畫墨。渠添水弄青蘋。石隙桃花笑客。茅簷燕子衝人。

聽盧姬歌

草色羅裙玉膩膚。歌喉一串日南珠。莫愁老去梁塵歇。此夜佳人道姓盧。

李應徵十六首

應徵初名衷毅。字伯遠。嘉興人。萬曆癸酉舉人。除臨安教諭。遷南國子博士。有素蓮館、澄遠堂、偶

寄軒菴園寄茗薊易河梁兩都汗漫遊諸集

朱彝尊明詩綜皇甫子循云伯遠肆力風雅律詩時似少陵而風骨師心太白鄧遠遊云伯遠意取師心法必模古其於詩體無所不工亦靡所不合

櫛李詩繫應徵以駿宕之士雄視一世平生感憤一發於詩故能衆體兼長風流俊爽情旨婉切不徒以寫景述事爲工

許櫛梅里詩輯嘉隆之際于鱗元美狎主吟壇海內靡然向風博士稍後出及與元美遊而不爲苟同獨以清矯之氣行其卓越之才允推作手

田按伯遠五言清遠七言跌宕自是一時之俊

登堯峯山展眺

吳會信名區茲山足幽賞伊余秉微尚探奇成獨往入徑始縈紆捫蘿忽超恍絕磴履危嶮僧寮坐虛敞
息石漱泉流振筇答松響遂升層崖顛邈若烟霞上雲物相媚映波瀾亦泱泱言鳥喧密林驚鳧亂芳蔣
落日湖上來巖光自駘蕩展目非一觀會心有萬象俯仰意彌申頽然醉春醞願息區中緣毋爲局塵鞅

夢偃松篇

曉踏天目峯屐底秋雲飛夜歸山城宿枕上秋夢微夢中猶帶烟霞氣髣髴蒼烟落松際偃蓋亭亭扶怒
螭飛龍矯若驂羣帝蒼鱗老榦不十尺屈鐵擎空勢非一參差低俯復高昂宛轉東盤更西出誰翦龍須
一片齊平鋪翠作青厓席我欲乘醉松頭眠日落寒雲倒空擘便攜清尊坐其下萬壑秋濤向身瀉偃松

歷歷夢中懸。昨游翻覺猶茫然。風雨吹魂驚欲起。枕席雖在。巒壑徒時。聽塔前墜葉鳴。猶似空山落松子。
蘇生爾宣向。嘗任俠報仇。兼善秦漢篆。刻近從吳門。過予山中作歌贈之。

君不見專諸魚腸化秋水。要離墳樹悲風起。吳宮霸氣久已銷。俠骨猶然今未死。蘇生寶劍光陸離。少年報仇人所知。卽今隱迹埋吳市。劍鋒折作囊中錐。黃金剖鵠大如斗。白玉盤螭壓雙紐。雄心鏤向方寸中。仇人血漸丹沙紅。秋山飛雨聲颯颯。慘澹光芒寒白日。看君意氣尙如虎。那能老作江湖客。丈夫腰下有昆吾。何不東臯島夷西擊胡。試拂燕然一片石。可堪還勒漢銘無。

薛素臨趙承旨吹簫美人圖歌有引

醉香道人出此圖見示。墨韻適婉。真得吳興三昧。蓋薛工於繪事。而尤能以鳳簫度曲。故婉轉曲盡其態。而所臨宋景濂學士題語。真書數行。更得臨池之致。此何必當年校書。卽衿紳中。恐亦罕此韻士也。今薛已歸沈景蓀。不可復見。覩此對寫照。徒增悵惋。遂作歌焉。

吳興王孫筆楚楚。丹青貌得吹簫女。宛轉如疑咽素秋。月白宵寒鳳飛去。題識猶存學士名。數行頗得臨池趣。誰人書畫兼擅塲。誰同趙宋稱雁行。河東佳人小字素。妙曲曾將鳳簫度。麗情秀壓錦江濤。霞箋色奪芙蓉露。標韻俱從指下生。妖妍獨向毫端吐。吳興得似未得真。佳人貌畫兼親身。含嬌轉盼邀鳳史。有聲無聲皆入神。此時珠簾散華燭。此時紫簫奏新曲。月痕依微脫口朱。星月參差動織玉。朱唇乍啓梁塵

空玉指顯弄蘭心通。祇覺春風生合座。忽移形影向圖中。圖中坐上宛相肖。羸女卻對秦宮照。天籟俄分倚獨鳴。清音倏斷迷雙笑。獨鳴雙笑兩依稀。只今化作彩雲飛。驟然顧態猶疑是。覩久尋聲始覺非。尋聲顧態神猶動。巫峽荆臺別通夢。風前屢誤拂書蠅。月下初開罷簫鳳。簫聲只隔鴛鴦水。鳳吹蛾眉呼欲起。司馬青衫溼盡無。春蘭寂寞秋風裏。

南湖雨後見月

放舸傍沙汀。悠然笑獨醒。雨餘千樹墨。月出半湖青。水氣澄秋席。寒空寫夜亭。重輪元自現。煙霧莫冥冥。

宿南禪廢寺

寥落春城寺。翛然對野僧。庭烏朝下食。山鬼夜窺燈。心義空微悟。塵勞斷未能。松寮疏雨過。片月照枯藤。

同馮開之登東目

碧巘欲摩霄。青鞵濟勝饒。排空出鳥道。盡日到僧寮。谷暝飛陰瀑。松寒起夜潮。坐疑天界逼。身與白雲遙。

清涼山登眺因過雲峯上人房

地接人天近。烟蘿隔世氛。井梧深落照。石竹冷高雲。鳥外長江盡。杯前萬壑分。願陪蓮社末。仙唄六時聞。

秋江夜泊

木落疑秋雨。寒江增夜波。青山移棹遠。明月逐帆多。近岸投漁火。遙汀出榜歌。還將故園夢。千里寄烟蘿。

遊華石

遠郭皆山色。誰知華石峯。疑分巨靈掌。擘此青芙蓉。松逕不數里。花源還幾重。歸途互雲月。水上有初鐘。湖上懷項民逸

尋幽每欣獨往。乘興自成遠登。山雨夜鳴千澗。湖波曉上孤城。谿頭綠徧芳杜。林下紅飛落英。惆悵美人何許。春風寂寞含情。

盤山

芙蓉陡削數峯藏。立馬無煩指太行。曲借河流疏鳥道。直移地軸轉車箱。雲陰出塞多踰互。氣色臨關倍莽蒼。極目龍沙春草外。當年飛血尙玄黃。

過臨淄狄參戎叔明留晏因憶向同許長孺侍御郊園醉別不三年而長孺已化爲異物不勝西州之感卽席有賦

憶昔郊園別酒醺。重來感舊思紛紛。忽驚合坐調清瑟。無復分司問紫雲。落日西州空有淚。大風東海幸逢君。于今燕筑人誰和。且共離杯惜鴈羣。

留別金陵諸好友及家弟玄白

雨過江烟溼夜霜。秦淮津樹曉蒼蒼。故人乍對俱同夢。有弟相逢暫異鄉。已有傷心驚歲暮。那堪攜手上

河梁春來若見梅花發。多少南鴻向北翔。

從西峯抵會景堂

葉落空山徑微疎。林不礙雲飛。巖光欲沈僧舍。松翠猶撲人衣。

過高白堂

寒流一溪晴雨。秋色千巖夕曛。犬吠門前落葉。僧看峯際孤雲。

明詩紀事卷二

庚籤

高出二十八首

出字孩之。萊陽人。萬歷戊戌進士。除大名知縣。改曲周。盧氏。遷南戶部主事。歷員外郎中。出爲蘇松參議。進副使。遷河南參政。改易州道。調遼東道監軍。進按察使。降副使。廣甯道監軍。改西平堡監軍。遼陽失。被逮下獄。有初刪稿六卷。槎亭稿二卷。山中識遺稿一卷。盧隱稿六卷。郎潛稿六卷。拘幽集四卷。

澹園集。孩之盧隱稿。因故爲新。去俗起雅。郎潛稿。氣骨高舉。音詞警道。譬之朗玉孤桐。自中天律。

馮元成選集。孩之登矚之章。並秀靈運。詠懷之撰。比響步兵。

靜志居詩話。孩之家本東萊。不襲歷下遺派。如蘋婆果初生。食之味雖近醇。猶勝冬月儲藏。輾同絲絮。

山左明詩鈔。副使詩力避輓俗。過於猛健。若擷其菁英。自可步少陵之武。參北地之席。

田按。孩之初刪集。擬古爲多。痕蹟未化。盧隱。郎潛。骨勁氣沈。如厲翻之鷹。凡鳥當之。無不拔靡。漁洋論詩絕句。於萬歷朝東人。獨舉來禽夫子。斯所謂遺玄珠於赤水。不得稱獨照之匠也。

壽光道中

昏黑不辨人。聞語知異縣。車轍深沒脛。蹊徑從橫變。狐穴陰火然。魚留層冰纏。村犬如豹嗥。雪花時一片。行役那云休。徒爲居者羨。方信浮生理。在貴不如賤。老父戒垂堂。思之淚如霰。

睡心庵

茅庵結雲根。其大僅容膝。神光漾姑射。睡穩獨抱一。秋被照螢火。夜床親蟋蟀。澹然至人心。虛白生幽室。有時夢太古。清魂隨六逸。醒覺在一朝。世事從此畢。

感懷

少小志虛曠。青雲如相待。形骸本支離。迫此樊籠內。才器富強資。遭遇憂患大。佞倖嬰世務。局體成拘閼。皦皦尙平生。悠悠閱朋輩。頗諱痛哭書。時發公正慨。十年官不調。煩促勤跼拜。甫壯筋骨酸。撫昔齒髮快。百姓類屬毛。孫僑古遺愛。束縛就苛細。擺落略茫昧。萬山拱熊耳。中流一衣帶。秋濤上風雲。驚樹鳴竿籟。卽妨水旱仍。其又衣食柰。外事督有司。陰陽問鼎鼐。天意不可訴。身世終焉屈。饑獸匪仰秣。涸鱗思湍瀨。已豁往者非。官情計難再。降辱等糞土。雅志在蟬蛻。陶潛飢乞食。范公遠禍害。污隱有明規。竊比庶夙邁。

溫伯堅吳人也。僑居膠東。余童時見之。別久矣。今年至余里。相見頗喜。詩以送其行。

但昔初相見。余時弱好弄。憐君美意度。逸阮猶伯仲。令我心眼開。歛覺情識動。談諧無不可。破的爭百中。那知雨散後。十五年如夢。再逢山之阿。傾倒申規頌。我壯君則老。閱世感慨重。稍喜酒健在。屢乾比舍甕。

東南信多才。譬彼石田用。北遊長兒女。齊語轉被諷。雪深不其館。沙島夕潮凍。匹馬悵何適。聊遣天風送。
白龍洞
入僻不辨方。遂疑非人境。仙橋憑虛構。龍潭轉深靚。泓碧澹無塵。岸花暎空影。懸石絕倚著。直上雲蘿頂。
道士久冥棲。默坐觀溟滓。服氣著金色。不言微有省。嗟爾餐霞侶。翩翩御風冷。俯睨大夢世。飄轉一汎梗。
偶然思古初。長謠擊木瘦。

天界寺集分得送字

城隅開窈奧。長日繁陰送。窅窕幽造迷。初疑在巖洞。殿閣憑危岑。飛梁接丹虹。古木攢藻井。細雲冒虛棟。
竹梧刺人眼。好鳥參差弄。喧寂豈二境。車馬來亦衆。畫欄睥睨臨。綺疏日影空。梵磬午度林。風旛晚不動。
名理妙俱析。疑義時一中。我獨胡病暍。在醒常若夢。四大偶控搏。徒爲造化弄。何當解結繫。永豁無明痛。
唐伯虎畫雪山歌

解元畫不落技藝。匠意原從造物分。請觀此幅生綃白。樹木分明氣氤氳。細綴雪姿有無裏。筆墨幻出天
同雲。沙遠似聞鴻雁下。山深必有虎豹羣。橋邊著一紫衣者。拄杖徐行亦瀟灑。天風瑟瑟吹鬢眉。聳肩欲
動臂。可把或疑橫浦船。卽是山陰道。蕭蕭枯木萬壑靜。瓊枝惟向梅花討。林風掃拂便欲霽。江山蕩滌萬
里勢。堂上觸冷呼酒卮。寒鷓疑來棲樹枝。蒼茫獨立天涯思。幾度長吟招隱詩。

沈石田畫春山圖歌

昨出車中望春山。指點如畫開心顏。張生手攜石田畫。宛在杳靄空青間。嶽嶮巖石插屋角。上流雲氣濕可攀。修竹挺特倚其隈。前臨曲水一兩灣。此老皴法取古蕩。老氣橫出姿態上。禿松半拔虬龍根。流泉如聽笙簧響。遊絲爛漫碍騎驢。杖頭攜酒溪有魚。力倦老翁立樹下。杏花幾點飄衣裾。點綴穠纖無不有。蓬頭溪童真怪醜。層巒疊嶂蹊徑外。咫尺恍見滄洲走。我家海上三山傍。金銀樓閣日相望。恨不與公同時盡入畫圖裏。羣仙出沒近在盈盈之一水。

苦寒行

山川欹仄軋冰雪。鳥獸無聲天地裂。羣雲凍折古木泣。玄窟千尺老蛟蟄。空城米價劇太高。無酒無褐首獨搔。妻兒不言勸歸去。面赤耳熱愧汝曹。

同鄭用章使君莫相忘行

吹臺鴻雁飛。梁園蓬蒿雪。一別星紀六。落魄南北轍。黃河晝夜東北趨。冬風雨土日如血。相逢黯黯不得語。含笑微看弄玉玦。少年肝膽若爲真。每傾意氣一沾巾。醉來大叫侯嬴塚。相如枚叔爲何人。昔也河朔吏。豪俊驕陽春。今也汴上客。乾枯如波臣。君來我去一交臂。愴然各灑楊朱淚。魯女尙憐輶園葵。莫謂癡人憂天墜。古稱共理二千石。豈是功名不如意。十年余始離民社。尤從之署眞疣贅。吁嗟乎。男兒生不報。

國死卽休。大者岳牧，乃分憂。其細但食太倉米，罄折束帶，同督郵。漢庭黃金大於斗，潁川渤海治最優。天子虛席待長者，齷齪羞殺平津侯。余則無賴陸沈耳，朝多闕事狂生恥。鉤陳蒼茫千萬里，狺狺虎豹塞天紀。舉頭扣闥且復止，丈夫要當猛抽身。不然礎斧生不悔，眼前所見吾與爾。南北遙遙彼一方，茫碭雲寒江漢長。風塵千古莫相忘。

冬日

落葉門恆擁，頽沙岸忽崩。野胡驚夜柝，山鬼弄寒燈。灑落交情減，哀憐俠氣增。匆匆天際日，焉得繫長繩。

金山寺

名殺蟠江腹，孤峯入太空。波濤生地底，呼吸與天通。樹暗廣陵雨，帆歸瓜步風。已知身世淡，鏡相有無中。

冬日漫興

野樹雲深天盪摩，清齋披髮影婆娑。逢人忌諱詩篇減，對酒生平感慨多。憂國力微中夜舞，望鄉愁絕遠遊歌。時時鶯栗城頭起，吹徹層冰斷雒河。

荆孝廉伯鶚過訪有贈

中原傲吏倦游遨，佳士過從倒布袍。忽漫風塵一歌哭，居然天地兩荆高。秋雲聚散隨蹤跡，落木蕭疏類鬢毛。僂骨自憐慙尹喜，關門紫氣爲誰勞。

觀南橋成同僚佐

不日橋成歡利涉。酒杯僚佐共從容。河中澹蕩東西影。天外嵯峨六七峯。返照虹霓迴雁鶩。寒濤鱗甲動魚龍。異時雪後騎驢迹。好聽橫波寺裏鐘。

奉寄李恒嶠中丞遼陽

鴨綠江如開府清。山河肩背擁神京。句麗視漢左馮翊。李廣防胡右北平。庚癸久聞征戍苦。金繒不厭款夷情。朝廷屈指諸公在。不許書生浪請纓。

招袁比部太玉呂虞部益軒集木末亭

大高亭廠夕陽暄。樹杪雲霞互吐吞。江浦晚潮迴舊壘。鍾陵欲雨濕清樽。人家六代烏衣巷。王氣千秋白露園。紅土傷心秋草碧。荒祠何處弔忠魂。亭即方正學祠。

送別袁滄孺兄省祖還楚

苦切陳情令伯同。寒江遠道授衣中。秋風佳興遠袁虎。盡日清談憶阿戎。袁有子才甚。郢客曲中傳白雪。鄂王城外落丹楓。遙憐夜雨聽雞起。回首荒雲滿舊宮。

視西莊別業

楊柳嫋嫋東風顛。桃花杏葉爭可憐。連朝劇睡粗省事。別業載酒初相鮮。喬木高樓烏鵲喜。平川斜港鷺

鷓鴣眠。小娃如玉歌勸酒。休負腰肢春色前。

後遊亭山園同道岸

憐春春破門未出。只待桃紅鶯語時。便與煙巒添斌媚。細教風雨費禁持。水流清瀉琴心遠。石湧孤垂屐齒疑。此地百年幾回醉。看山一度數行詩。

答吳翁晉喜晴邀七子郊遊之作

來往江南未見春。春遲怯雨逗晴新。朝曛故媚重重柳。宿漲初平漠漠蘋。躡履移尊行樂地。輕衫寶馬快遊人。追隨莫負憐筋力。解道諸公吏隱真。

半峯菴看玉蘭盛花

苦遭陰雨春過半。少放晴新花固多。杏葉將無澆顏色。梅香爭減鬪嵯峨。一雙玉樹倚微暝。十丈粉粧高欲酡。不見金羈三五並。斜陽醺眼對婆娑。

贈林茂之山人

名家逸氣故翩翩。近住烏衣美少年。好事動爲詩裏畫。夙因早悟酒中禪。江山野服尋幽屐。歲月空囊買賦錢。簡懶貴人誰識面。華林秋月臥蒼煙。

送劉柘山侍御按部淮陽

尋常持斧那應同。攬轡依稀想大風。時論已高千仞鳳。路人爭避五花驄。天連南國猶淮楚。地控中原是錦豐。不用埋輪矜意氣。漢家八史未如公。

看梁塘鋪後竹

冥冥三百尺。掩帶秋色碧。一片江南山。飛來亂相射。

雜曲

鄴城古道飛黃埃。趙女彈箏罷徘徊。似是前朝有遺恨。浮雲低暗舊叢臺。

少林寺

玉殿森沈覆古藤。千年聖諦識傳燈。不知三秀花開落。閱盡袈裟幾代僧。

五渡產九節菖蒲

僊源圓折抱嵩流。石戴菖蒲一萬秋。漢主可憐僊骨少。封中只有白雲愁。

湯顯祖二十首

顯祖字義仍。臨川人。萬曆癸未進士。除南太常博士。就遷禮部主事。謫徐聞典史。遷遂昌知縣。有玉茗堂文集十卷。詩集十八卷。

屠隆絳雪樓集。義仍才高學博。氣猛思沈。格有似凡而實奇。調有甚新而不詭。語有老蒼而不乏於姿。態有纖穠而不傷其骨。

帥機陽秋館集。義仍諸詩。聚寶鎔金。譬諸瑤池之宴。無腥腐之混品。珠履之門。靡布褐之蕪雜。

列朝詩集。義仍嘗謂我朝文字。以宋學士爲宗。李夢陽至瑯琊。氣力強弱鉅細不同。等質文爾。萬歷間。瑯琊二美。同仕南都。爲敬美太常官屬。敬美唱爲公宴詩。不應。又簡括獻吉。于鱗。元美文賦。標其中用事出處。及增減漢史。唐詩字面。流傳白下。使元美知之。元美曰。湯生標塗吾文。異時亦當有標塗湯生者。自李。王之興。百有餘歲。義仍當霜零充塞之時。穿穴其間。力爲解駁。歸太僕之後。一人而已。義仍少熟文選。中攻聲律。四十以後。詩變而之香山。眉山。文變而之南豐。臨川。嘗自敘其詩。三變而力窮。又嘗以其文寓余。以謂其不蘄其知吾之所已就。而蘄其知吾之所未就也。義仍之通懷嗜學。不自以爲能事如此。

書影。萬歷二十二年。安南進代身金人範。用囚服面縛。是年。黎惟潭自以恢復放罪。視莫登庸有間。爲立面肅容狀。驗閱嫌其倨。令改範俯伏焉。鑄其背曰。安南黎氏世孫黎惟潭。不得蒲伏天門。恭進代身金人。悔罪乞恩。二十五字。湯義仍得見。有詩紀之。

靜志居詩話。義仍填詞妙絕。一時詩終牽率。非其所長。

柳亭詩話。湯義仍有哭婁江女子詩序。略曰。婁江女子俞二娘。年十七。未適人。酷嗜牡丹亭傳奇。批注其側。幽思苦韻。有痛於本詞者。憤惋而終。周明行中丞言。王相國嘗出家樂演此劇。曰。吾老年人。頗爲此曲惆悵。王宇泰亦曰。乃至俞家女子好之至死。情之於人甚矣哉。詩曰。晝燭搖金閣。眞珠泣繡窗。如何傷此曲。偏只在婁江。

田按。義仍才氣兀傲。不可一世。集中五古。清勁沈鬱。天然孤秀。而時傷蹇澀。則矯枉之過也。其詩云。常恐古人先。乃與今人匹。又云。文家雖小技。目中誰大手。何李色枯薄。餘子定安有。李何取法於杜。義仍則并杜而薄之。曰。少陵詩少一清字。可謂因噎廢食也。義仍與袁中郎善。舍七子而另闢蹊徑。趣向則一。但義仍師古。較有程矩。尙能別派孤行。中郎師心自用。勢不至舍正路而入荆棘不止。余論兩家之得失如此。不得一概抹殺。致沒作者苦心也。

陽穀田主人園中

宜遊無滯情。端居有遙寄。北窗何嫋嫋。纖襟□延吹。宛轉曲閨通。依微連圃遞。青華猶被隴。朱實已盈器。南人善澆注。北叟忘機事。坐仰密雲躋。直望靈膏墜。恢恢九夏逾。唵唵三秋至。我行豈不永。葡萄兩抽翠。邱園何足論。一身已如質。倏見漢陰人。空傷仲長志。

江樓曉望同劉司業鄒吏部

夜色明江樓。月露泛涼瑟。俯窺光響流。仰瞰星河溢。徙倚未能寢。昏旦一何疾。空波滅餘霧。高臺障初日。惠風襟帶間。泠泠清意出。

登報恩塔歸騎望塔燈同汪仲蔚

珠塔凌觚棱。鍾陵看建業。表裏山川盡。勝寄煙雲愜。江光日氣飲。世界空明攝。迴聽風穴壯。側看飛鳥怯。下方燈欲上。歸人影相躡。千枝蓮出臺。四照花開葉。見頂色依微。開陰點層疊。燄摩如可遇。佛光於此接。文祖發威神。彌天歸震懼。匪報佛王恩。自顯天人業。花宮窮勝麗。孽火傳灰劫。華趺暗消隱。畫牆堅巖嶮。三市禮空存。四遊心苦涉。裁量百年中。蘭膏幾輝燁。

京察後小述

邑子久崖柴。長者亦搖箴。含沙吹幾度。鬼彈落一箇。大有拊心嘆。不淺知音和。參差反舌流。倏忽箕星過。

幸免青蠅弔。厭聽遷鶯賀。賤子亦如人。壯心委豪惰。文章好驚俗。曲度自教作。貪看繡袂舞。貫踏花枝臥。對人時欠伸。說事偶涕唾。眠睡忽起笑。宴集常背坐。敢有輕薄情。祇緣迂僻過。一命淹陵署。六歲逢都課。浮譟今已免。不謹前當坐。有口視三緘。無心噴八座。骨相會偏奇。生辰或孤破。吾心少曲折。古人多頓挫。脫落慕仙才。點掇希王佐。咄咄竟何成。冉冉誰能那。

三十七

我辰建辛酉。肅皇歲庚戌。初生手有文。清羸故多疾。自脫尊慈腹。展轉太母膝。翦角書上口。過目了可帙。家君有明教。大父能陰隲。童子諸生中。俊氣萬人一。弱冠精華開。上路風雲出。留名佳麗城。希心遊俠窟。歷落在世事。慷慨趨王術。神州雖大局。數著亦可畢。了此足高謝。別有煙霞質。何悟星歲遲。去此春華疾。陪畿非要津。奉常稍中秩。幾時六百石。吾生三十七。壯心若流水。幽意似秋日。興至期上書。媒勞中閣筆。常恐古人先。乃與今人匹。

飛來寺泉

峽山雲氣深。松枿糝蒼徑。縹幡透屏翠。闌干抵一凭。山僧日影過。禪房點清磬。宵爾寒泉下。泠然愜孤聽。近音風葉灑。遠韻蒼梧應。小品甘露華。長流水晶瑩。曹溪派陰引。炎岡冰欲凝。稍動寒漿色。雅與齋廚稱。花木恣涓滴。竹杪通餘賸。經聲法流湧。猿吟峽僧定。瓶鉢住空影。尋常傾最勝。何意熱中人。洒落飛來興。

陽江道中

恩春少佳樹。向北梅花夕。入門問小吏。知是蓮塘驛。蓮葉落已久。林塘映非昔。參星到庭戶。素月沾簷隙。促織猶在野。無衣念行役。炎州少冰雪。流光去無迹。惟餘千里心。閒房眷幽客。

從張相國桃花嶺次韻

昔聞桃花源。今見桃花嶺。安知出世心。居然妙者靜。山川動凌歷。攝應在俄頃。石室搖天窗。花宮注靈井。心隨雲壑遠。色與江霞靚。笑拍洪崖肩。步駐鸞簫影。逶迤黃綺事。眷戀空明景。問道此何時。汾陽氣方永。上巳前一日永甯寺同莆中藍翰卿宗侯鬱儀孔陽孝廉鄧太素

發春如有期。扁舟一遊此。孤生寡儔寓。禪寂傍棲止。何意風雨稠。坐見春華駛。殿含鐘磬濕。戶瀆琴書委。不言良已深。覘蹊遲桃李。同聲百年內。朱門二三子。零落在茲辰。留連及芳齒。念往夕無寐。欣來動有以。交新謝輪鞅。道舊延簪履。松門留一晤。海客談千里。未覺風雅頽。乍擘衣裳起。高花動寒色。木蘭漾清美。開軒邈誰似。遠道嗟何已。物感陰晴候。人疑盛衰理。龍沙往猶滯。簫峯上難擬。且就聲聞醉。將妨語言綺。乘蘭希茂樹。泛羽慳流水。所幸無俗情。吳謳稍清耳。蕭條隨曲終。局促非願始。上巳卽晨遊。明湖恣清泚。

送前宜春理徐茂梧

西湖徐君美如此。眇眇東來渡江水。微飈木葉江波生。皓露芙蓉秋色死。秋色連山客早悲。倍憶離鴻江

月時。舊郡鈴陽醉鄉柳。動道宜春春不宜。豫章城西江水滿。片雨疏花石蘭館。獻賦誰知錦組文。題書直道珠盈椀。一別蒼洲間白雲。金臺暑路忽逢君。祇合飛窻填北海。那堪解慍出南薰。芳皋羃屨辭青瑣。及子風流渡江左。孤亭水樹別留人。別道煙霞須著我。我邊知我若逢君。卿處相卿自有人。無事南湖催送漿。扁舟小婦好隨身。莫嫌小婦恆隨從。茗椀香鑪朝夕供。風雨離騷秋暮行。荃蘭墨妙連舟重。去去西湖簫鼓陳。香絲豔粉逐年新。不惜風流頻取醉。君來看見六朝人。

觀趙郭里小圖爲汾源郎中作

太原渡江入西越。盡寫家山向雲闕。去年臥閣披此圖。展轉繽紛意難歇。心知不是桃源路。直是玲瓏杏花發。野客留連芳樹陰。閨人候望新橋月。河橋月出樹陰開。楊柳灣西映淺苔。漁歌曠泛橫潭竹。牧笛春殘半樹梅。梅花隱隱雪霏霏。西翠樓邊啓竹扉。蚤覺煙綃動玄勝。況乃卜築臨清暉。清暉古寺寒鐘影。經臺半出西南嶺。粗知到漑近禪床。卻笑潘安長騎省。君家上世每逢僊。賣藥藏書此洞天。蚤晚過遊草市里。春秋得上斜林阡。君不見女兒溪邊女兒語。越國夫人越溪女。又不見石門帳殿起烽煙。中洲一地小如錢。何似洛川諸父老。長年如畫太平年。

送華楚客歸夷陵

聞君有期契。千里暮能過。草綠朝雲宅。花深明月沱。春聲逐棹遠。江色漾帆多。別有嘯烏夜。殘琴清怨和。

龍潭高閣

罇樹紅無地。巖檐綠有江。蜨花低雨檻。颺竹亂秋窗。楚瀝杯誰個。吳歌榜欲雙。崩騰過雲影。浥浥片心降。

秋夜入廣別帥郎

江潭殊自嘆。搖落未經知。昨夜秋風起。相逢憔悴時。園林阻芳色。河漢渺佳期。起視浮雲氣。蒼梧不可思。

出朱明觀

羅浮觀日罷。出谷晚蒼涼。壑去懸流寂。峯過倒影長。美雲隨望盡。仙草逐行香。消息梅花月。歸舟興不忘。

信陵君飲酒近婦人

魏國乃爲累。萬古悲公子。世上無神僊。英雄如是死。

七夕醉答君東

玉茗堂開春翠屏。新詞傳唱牡丹亭。傷心拍遍無人會。自招檀痕教小伶。

題東光驛壁是劉侍御臺絕命處

哀劉泣玉太淋漓。棋後何須更說棋。聞道遼陽生竄日。無人敢作送行詩。

列朝詩集。先是過客題詩哀劉侍御者。徧滿驛壁。義仍書此詩。後人遂絕筆。瞿元立爲余誦之。與今集本互異。

胡姬抄騎過通渭

渭南兵光照城山十八盤西探馬還似倚燕支好顏色秋風欲向妙娥關

恩州午火

逐客恩州一飯沾伏波盤筍見纖纖炎風不遣春銷盡二月桃花絳雪鹽

明詩紀事卷三

庚籤

徐燿二十首

燿字惟和閩人萬曆戊子舉人有幔亭集十五卷

四庫總目燿貢才淹蹇肆力詩歌大抵圭臬唐人而不爲割裂齟齬之習明季詩道允雜如燿者亦可謂蟬蛻穢濁矣

小草齋詩話徐惟和才情聲調足伯仲高季迪所微憾者古體稍不及耳

西樓集惟和詩傳於境而麗於情諧於調而驚於采出入六代之季而始終唐三百年之間句不累篇篇不累格假之以年吾未知其所稅駕矣

張獻翼文起堂集惟和調匪偏長體必兼善力追古則盡滌時趨

露書徐惟和才情藻麗爲晉安巨擘

靜志居詩話惟和力以唐人爲圭臬七絕原本王江甯聲諧調暢情至之語誦之蕩氣迴腸

明詩別裁惟和近體宗法唐人在詩道冗雜時遇之如沙礫中得簡珠也七言絕尤能作情至之語在李庶子鄭都官之間

杭世駿榕城詩話有明選輯閩詩者閩縣鄧汝高原岳撰閩詩正聲懷安陳仲聲元珂撰三山詩選閩縣徐惟和燿撰晉安風雅十二卷自洪永迄萬歷總二百六十餘人序謂不論窮通顯晦皆因詩采拾至於野狐外道格律稍畔者雖有梁竇之權不敢濫屬片語爲雅道蠹賊

明三十家詩選。惟和七律。安雅合節。無七子浮響。

田按。惟和才思婉麗。五言近體。取法唐人。工於發端。婉轉關生。有一氣不斷之妙。惟和自題小像詩云。五字吟成心獨苦。不知身後得傳無。可謂甘苦自得之言。詩綜未錄五律一篇。豈未見幔亭全集耶。

春日閒居

草閣春方暮。檉陰日未斜。蝸涎分斷壁。鶯語共鄰家。曲隄藏修竹。輕雲覆落花。卑栖有至性。長此臥煙霞。

暮春送周喬卿

忽驚春已去。沉復送君歸。別意有如此。前途花正飛。蟬聲風外急。山色雨中微。後夜看明月。相思獨掩扉。

贈性言上人

南朝四百寺。師在幾招提。法以蓮花悟。詩將貝葉題。遊蹤閩海曲。歸興秣陵西。相見卽相別。秋風惜解攜。

碧山菴逢亮上人

清溪帶遠山。曲徑入松關。客以參禪至。僧當乞食還。一瓢秋色澹。孤磬夕陽閒。別去仍回首。禪房雲氣間。

喝水岩贈瓢菴頭陀

何年此卓錫。鐘磬度昏朝。瀑水引歸鉢。茅菴結似瓢。躡雲雙草屐。坐月一團焦。隔寺有禪侶。相尋不憚遙。

題鄭吏部墓

西郭塚壘。經過下馬誰。先生一杯土。詞客百年悲。藤護將崩石。苔封未斷碑。應知靈爽在。歎我不同時。
送瀚上人遊越

師行無定蹤。此去路千重。投宿月中寺。經過雪裏峯。閒身臨水衲。禪意隔潮鐘。明歲西湖上。相尋九里松。
三茅觀尋許靈長不遇

山色翠氤氳。松關閉白雲。禮星孤磬發。受籙妙香焚。夜靜天花落。秋高木葉聞。無由尋許椽。長揖問茅君。
贈陳道源參軍

冷曹堪傲性。大雅見遺音。衙只聽鶯放。山多信馬尋。一官同鮑照。五字比陳琳。俸薄難供客。時捐賣賦金。
題陳幼孺招隱樓

叢桂許誰攀。經年不閉關。池平吞月淺。林靜受雲閒。草色春愁外。禽聲午夢間。開窗嵐翠滿。疑對八公山。
潞河別曹能始

悲歌燕市筑。歸興潞河船。作客有何意。還山仍種田。窮猿投散木。飢鶴倦遙天。以我空囊故。憐君捐俸錢。
送妓入道

愁把芳年老狹斜。欲尋鉛汞洗鉛華。西園公子求遺珮。南嶽夫人贈紫霞。翠袖正宜過碧海。朱顏偏可餌丹砂。玉笙已奏仙家樂。不向江心抱琵琶。

送歐陽霖仲歸鄉

梁獄書成淚未乾。天涯流落畏途難。杵投已信曾參誤。袍贈誰憐范叔寒。逆旅相逢愁咄咄。故鄉歸去路漫漫。布衣正好彈長鋏。何必逢人變鶚冠。

與吳元翰話舊

久客還家歎敝裘。對君猶自起離愁。數莖白髮尊前淚。九曲青山夢裏遊。松徑夕陽秋繫馬。竹房疏雨午嘯鳩。明朝又作匆匆別。目斷西風獨倚樓。

秋日訪徐茂吳司理

青鬢投簪二十年。菟裘高築虎林偏。胸吞雲夢全無楚。屋貯華陽小有天。楊柳影侵遊寺屐。竹枝歌送泛湖船。錢塘江上潮如馬。定賦觀濤第幾篇。

約陳伯孺仁王寺結夏效長慶體

詩寄灣西老友看。今年結夏擇香壇。約繙蓮藏日三卷。願飽花齋午一餐。經月應酬拋竹素。暫時功課借蒲團。更貪兩物堪消暑。烤棧陰濃荔子丹。

金陵故宮

先朝遺殿閉塵埃。零落空勞過客哀。五夜銅壺乾罷滴。六宮金鎖澀難開。翠華逝後全無迹。羅綺焚餘自

有灰弓劍盡埋煙雨冷。椒房一半上莓苔。

明詩別裁。閱五六。知當時初無遜國之事。蓋帝與后同在灰燼中也。史氏致身錄之。神廟時人俱能言之。得錢牧齋諸人之辯益明。

吳宮怨

高臺日日翠華臨。何事顰眉更捧心。本是苧羅山下女。吳中恩淺越中深。

桃葉渡訪張幼子

淮水東邊楊柳新。白頭猶醉曲中春。尊前試看紅粧女。誰是當年勸酒人。

寄弟

春風送客翻愁客。客路逢春不當春。寄語鶯聲休便老。天涯猶有未歸人。

徐燠十三首

燠字惟起。一字興公。燠弟。有鼇峯集二十六卷。

朱謀瑋枳園集與公著作。纔一脫草。橫行海內。

露書。徐興公信手皆詩。一日可得二三十首。故曹能始和其春日閒居詩云。詩無宿債輕酬客。筆不停耕可當農。

列朝詩集。興公博學工文。善草隸書。萬歷間。與曹能始狎主閩中詞盟。後進皆稱興公詩派。

香泉偶贅。徐燠詩。未春豫借看花騎。欲雨先徵種樹書。足稱雅致。

靜志居詩話嚴儀卿論詩謂詩有別才非關學也其言似是而實非不學牆面焉能作詩自公安竟陵派行空疏者得以藉口果爾則少陵何苦讀書破萬卷乎與公藏書甚富近已散佚予嘗見其遺籍大半點墨施鉛或題其端或跋其尾好學若是故其詩典雅清穩屏去恂浮淺俚之習與惟和足稱二難

田按與公七言可肩隨惟和五言近體微少變化應推乃兄獨步

棲霞寺

攝山高不極。寺裏翠微生。法侶元稱顛。徵君舊姓明。巖飛千佛影。鐘咽六朝聲。拂拭陳江總。殘碑臥化城。

送湛然禪師還雲門

松枝東向久。歸掃寺門秋。舊院堪容足。甯須買沃州。泉流孤澗寂。雲閉上方幽。禪理何因熟。先師帛道猷。

旅次石頭岸

秣陵城外暫停橈。無那離心萬里遙。極浦蒹葭秋漠漠。隔淮煙雨夜蕭蕭。大江疊浪浮孤塔。建業千峯弔六朝。商女後庭花一曲。歌聲哀怨旅魂消。

送康元龍之靈武

賀蘭山下戰塵收。君去征途正值秋。落日故關秦上郡。斷煙殘壘漢靈州。胡兒射獵經河北。壯士吹笳怨隴頭。城窟莫教頻飲馬。水聲鳴咽動鄉愁。

會稽懷古

獨上高城問廢興。萬家鱗次暮煙凝。斷碑碧蘚曹娥廟。古木蒼山夏禹陵。剡雪霏微迴客棹。樵風來往送漁燈。越王霸業長消歇。極目荒臺感慨增。

韓文公祠

半畝芳祠奠海濱。祠前香火鬱氤氳。一封佛骨批鱗疏。千古蠻方徒鱷文。碑蘚綠生荒服雨。廟花紅染惡溪雲。不堪回首元和事。陵樹無枝野鳥聞。

蘇長公祠

學士遺居寄惠陽。繞山雲樹鬱蒼蒼。一身去國投荒服。數口移家老瘴鄉。洗墨尙留池水墨。焚香時薦野蕉黃。峯頭白鶴歸來晚。彷彿精靈下渺茫。

閒居

竹滿檐楹草滿除。青山應屬野人居。未春預借看花騎。欲雨先徵種樹書。石鼎香醪吟懶後。瓦鐺茶熟夢迴初。半生消受清閒福。一任人嗔禮法疏。

陳宮

秦淮迢遞水煙涵。鐵甕孤城鎖夕嵐。莫笑庭花易亡國。居人又聽望江南。

仙河嶺酒家逢歌者王瓊

歌舞場中獨擅名。壚頭相見不勝情。馬蹏何事催人急。腸斷陽關第四聲。

宋丞相吳潛墓

一杯黃土傍精藍。莫歎孤臣葬嶺南。秋壑更無埋骨處。鬼車唬出木棉菴。

題陸羽烹茶圖

魚眼波騰活水紅。鬢絲輕颺煮茶風。紗巾短褐無人識。此是茗溪桑苧翁。

宋徽宗墨蘭圖

嫩蕊疏花寫澤蘭。宣和御墨半凋殘。國香莫道蕭條甚。北地風霜不耐寒。

筆精。宋徽宗繪畫題詠者多含譏刺。元成廷珪題白頭翁圖云。梔子紅時人正愁。故宮衰草不勝秋。西風吹落青城月。唬得山禽也白頭。國初高季迪題畫眉百合圖云。百合無殘六合塵。汴京嘯鳥怨無人。不知風雪龍沙地。還有圖中此樣春。又題宣和畫云。御輪親題賞畫工。疏枝野鳥怨秋風。那知回首宣和殿。物色淒涼與畫同。張來儀題桂枝圖云。玉色官瓶出內家。天香濃漫月中葩。六宮總愛新涼好。不道金風捲翠華。夏忠靖題墨竹云。寶殿無心論治安。碧窗著意寫琅玕。枝枝葉葉真瀟灑。爭耐金人不愛看。王元美題馬圖云。天閑萬馬盡櫺奇。寫出丹青意自悲。長白山頭三萬匹。可憐龍種一雄嘶。康輿之題花鳥云。玉輦宸遊事已空。尙餘奎藻繪春風。年年花鳥無窮恨。盡在蒼梧夕照中。項忠題鷓鴣圖云。五國城邊掩淚時。汴梁宮闕了無遺。爭如鷓鴣知春意。猶占東風第一枝。楊森題草書云。長岳清風玉馬涼。閒將心事學鍾王。當時肯草平胡詔。不使金人到大梁。

呂困題鷓鴣圖云。御墨淋漓玉數枝。畫圖瀟灑使人悲。春風鷓鴣湘江景。不似龍沙夜雪時。余題秋江獨釣圖云。鏡水無波釣艇閒。人間治亂豈相關。金風忽動黃沙暗。不見中原萬歲山。又題墨蘭圖云。

明詩紀事卷四

庚籤

程嘉燧三十二首

嘉燧字孟陽休甯人僑寓嘉定有松圓浪淘集十八卷偈菴集二卷耦耕堂集五卷

唐時升三易集孟陽才力雄豪跌宕沈鬱頓挫足以追配作者而哀樂所發長句短章必合於法度

婁堅學古緒言孟陽上自漢魏下逮北宋諸作者靡不窮其所詣至蘇長公往往或數其體或次其韻若將與之並驚者比壯且衰其爲七言近體以清切深穩爲主蓋得之劉隨州爲多

列朝詩集孟陽詩以唐人爲宗熟精李杜二家深悟剽賊比擬之繆七言今體約而之隨州七言古體放而之眉山此其大略也晚年學益進識益高盡覽中州遺山道園及國朝青田海叟西涯之詩老眼無花照見古人心髓於汗青漫漶丹粉凋殘爲之抉擿其所繇來發明其所以合轍古人而迴別於近代之俗學者於是李王之雲霧盡掃後生之心眼一開其功於斯道甚大而世或未之知也余故援中州集之例諡之曰松圓詩老孟陽善畫山水兼工寫生酒闌歌罷與酣落筆尺蹠便面筆墨飛動

無聲詩史孟陽與李長蘅爲詩畫友寫山水宗王叔明倪雲林

王士禛蠶尾續文孟陽七言絕句出入於夢得牧之義山之間不名一家時詣妙境歌行刻畫東坡如桓元子似劉越石無所不憾

漁洋詩話明末七言律詩有兩派。一爲陳大樽。一爲程松圓。大樽遠宗李東川。王右丞。近學大復。松圓學劉文房。韓君平。又時時染指陸務觀。此大略也。松圓警句如瓜步江空微有樹。秣陵天遠不宜秋。梅殘燭燼西窗雨。雪返香濃小閣雲。古寺正如昏壁畫。層湖都作水田衣。夢裏楚江昏似墨。畫中湖雨白於絲。遠雁如塵飛水面。亂帆疑葉下吳頭。迴峯凍雨皆成雪。出霧危巒半是雲。多年華鬢絲相似。三月春愁水不如。礪飲斷虹明積翠。湖飛片雨亂斜陽。羽聲變後寒風急。虹影消來白日過。城上雪聲遊子屐。縣南風色酒人家。獄寺夜眠春澗雨。浦樓寒醉雪山風。皆不愧古作者。

靜志居詩話孟陽格調卑卑。才庸氣弱。近體多於古風。七律多於五律。如此伎倆。令三家村夫子誦百翻兔園冊。即優爲之。奚必讀書破萬卷乎。牧齋錢氏深懲何李。王李流派。乃於明三百年中。特尊之爲詩老。六朝人語云。欲持荷作柱。荷弱不勝梁。欲持荷作鏡。荷暗本無光。得毋類是。

明詩別裁孟陽詩亦娟秀少塵。自錢牧齋嘗警李何王李諸人。推孟陽爲一代宗主。幾與高季迪李賓之前後相埒矣。而陽羨邵子湘有心矯柱。摘其累句。謂其穢褻俚俗。幾於身無完膚矣。孟陽自有真詩。勿因牧齋之過許。而毛舉其疵以掩之也。

明三十家詩選虞山選明詩。伐異黨同。紕繆百出。惟推重孟陽一事。未可厚非。孟陽近體秀逸瀏亮。宗範隨州。丁卯不失爲名家。朱竹垞謂孟陽格調卑卑。才庸氣弱。邵子湘摘其累句。詞爲穢褻俚俗。沈歸愚謂其纖詞浮語。僅比於陳仲醇。是皆因虞山毀譽失實。遷怒孟陽。過事醜詆。懲羹吹噓。徒取快一時。何以昭信千古哉。

田按孟陽詩清麗溫婉。誦之令人意消。在萬天間。可自成一家。

塾巾樓中宋比玉對雪鼓琴余戲作圖便面漫題時過婁江因訂後期

閩客不見雪。流霞在鳴琴。茲晨何飄瞥。快作崩山音。七絃正凝結。萬象回幽陰。南思九仙遠。北望三湘深。江水縈後期。春氣動前林。毋令招隱曲。荒塗空古今。

鮑甥至夜話明發過揚州輒示

昔別今幾時。離憂那可說。江月三十圓。顛毛千丈雪。偶然瓊樹枝。來值芳菲節。況挹吾宗秀。高談寸心折。盤中水鄉味。衣上吳洲月。去去欲何言。然燈念明發。時與宗人巖軒偕行。

雪坡道人畫歌

君家虎頭將軍號癡絕。近有倪迂前米顛。冷謙張翬亦狂怪。神妙無過郭恕先。當時富兒輦金置酒購筆迹。線車十丈牽風鳶。嘲哂萬乘等僚友。凌轢閹貴噤豪權。萬金不易一蝸翼。雙腕肯逐羣兒羶。雪坡王孫虎頭裔。家在麟閣官貂蟬。五花當御本神駿。十眉列屋多便娟。唾棄玉食解金勒。折節力與寒士粉墨爭。精研陰符黃石自神授。戲揮魚鳥驅雲煙。雷霆戰鬪寂不瞬。猛氣獨注秋毫顛。真人寓物不留物。況狗流俗隨媼妍。年深物化形影在。筆蹤蒼硬丰神全。雲孫小侯富文彩。王詵曹霸知誰賢。維揚五月溽如煮。玉函初啓神凜然。雪山星河忽照耀。滿堂驚瀑聞寒泉。魂搖色動意輕舉。令我欲化乘風仙。河陽郭熙舊寶愛。但恨未覩僧巨然。何由突兀示此本。營邱洪谷置我前。平生愛畫苦入骨。無緣藏乞空流涎。解衣作歌自盤礴。歸臥檀園終殘年。

由廣陵登金山訪一雨師不遇同宋比玉和蘇長公韻感舊。東坡遊金山寺。

迷目百日淮陽塵。振衣濯髮思江海。金山不見元長老。幸有同心嘯歌在此山。得名緣頭陀。至今遺洞凌

洪波江流巖石縱不改。人間歲月元無多。我初兒童鼓輕楫。俛仰光陰如一日。江雲自作鬢絲變。落日暫借衰顏赤。起看太白送殘魄。月兔旋驅日烏黑。悠悠大事何時明。山石點頭還解驚。山中往來舊相識。冉冉相尋成異物。彈琴把酒向此山。山石應笑山人頑。勞生百年無窮已。撫影悲歌淚如水。

虎邱僧房夏夜試茶歌

深林纖纖月欲沒。坐久明星爛於月。正無微籟生虛空。忽有幽香來秘靜。未須涓滴潤喉吻。已覺煩溽清肌骨。泉新火活妙指淪。風味難言空約略。芳蘭出林露初泫。寒梅吐韻日猶薄。洞山標格稍云峻。龍井旖旎徒嫌弱。淨名妙香自無盡。天女散花仍不著。世人耳食喧茶經。此山尤物遭天刑。鎖園鈴柝亂鳥雀。把火敲朴驚山靈。空煩採括到泥土。豈有烹噍分淄澠。鄰房藏乞自封裹。色敵翠羽疑空青。庭間夜寂客亦韻。潛解綠箬開芳馨。朝與枯腸洗藜藿。肯爲世味充羶腥。

孫士徵甘露僧房話舊

雪中分手地。亦在暮江邊。栖泊長如此。心期共渺然。落帆千步柳。到寺一聲蟬。爲掃清谿石。還家與醉眠。送士徵有寄

新水催離棹。春風憶敝廬。三江生筍候。一雨落梅初。山驛輿衝鳥。淞城臥食魚。琵琶花下過。爲訪閉門居。

秋晚同張二丈唐四兄步屨城南張園

南郭浮陰覆女牆。沿郊落木映江鄉。新晴空翠生衣潤。傍晚寒風洒袂涼。鳥下疏簾碁局散。波搖虛壁淨琴張。柴門相送餘花在。月色村沙引興長。

過唐正叔僧房

古寺頽簷覆短牆。憐君地僻懶衣裳。空庭苔色從僧破。冷銼茶煙對客颺。橋外春泥猶有迹。窗間寒竹不成行。興闌白日忘歸綏。看劍攤書正滿床。

東林寺雨中張次孫丈話舊

憶昨南徐官舍東。江心遙夜與君同。重看焦嶺終宵月。卻話松寥徹曉風。病眼向梅空脈脈。旅愁兼雪太怱怱。可憐襍被尋君處。暝雨寒煙野寺中。

再過婁上看桃花卽事與伎

吳船銀燭豔青蛾。桃滿婁江樂事多。遲日纔開妝面鏡。曉風先動舞衫羅。歡心宛轉流鶯說。酒態妖嬈細馬馱。歸路春光牽宿醉。穿花鬪草奈君何。

歲暮懷孫履和李茂修

故人不見歲將窮。臨別風煙在眼中。嶽院夜眠春潤雨。浦樓寒醉雪山風。溪南郵使明朝發。江北來帆二月通。廿載東橋歌酒伴。他鄉殘臘夢應同。

寄莊將軍

僧榻書廊臥夕曛。興來吟嘯每過君。梅殘燭燼疏窗雨。雪泐香濃小閣雲。茶作松風先破睡。墨添山氣待微醺。自從一別蓮花府。月下笳簫憶共聞。

題長蘅次醉閣

爲愛檀園開北閣。兩回三宿小房櫺。坐深曲洞香燈焰。睡美疏櫺曉日烘。白拂花飛方丈雨。素屏灘響一床風。但名次醉猶嫌俗。合作禪栖住遠公。

木末亭

聚寶山連梅子岡。荒亭落木正蒼蒼。煙霜東北歸舟鷺。江路西南去鳥長。有客登臺還抱病。何人送遠不懷鄉。含情莫值秋冬際。欲採芙蓉枉斷腸。

將參雲栖漫述

飄零短髮不勝簪。長掩蘿齋傍一龕。春後禪栖三竺外。夢中田舍五湖南。煙霞癖在終何事。土木形殘祇不堪。明日藍輿容載酒。雙眉入社欲懷慙。

送聞上人張伯美之餘杭

一往千峯不可攀。歸心已折復離顏。禪過月白湖心夜。畫處雲青天目山。松度衆谿時謾謾。泉經深竹更

潺潺應憐春盡還多夢。風雨江城獨掩關。

春盡

老惜光陰併日遊。及看春盡恨悠悠。已拚濃艷隨黃土。轉覺歡娛惱白頭。蘭葉醉痕沾舊扇。燭花紅淚在空樓。不因千里傷春日。領斷江南一味愁。

泛舟法海寺登觀音閣望金山懷子柔京口

小棹輕機度淺灣。霜林蕭閣出煙鬟。野風颯颯帆移浦。江岸戎戎塔表山。一水相望如可接。片雲無意杳難攀。殘崖尙有殘碑在。儻繫高人興盡還。

送唐正叔遊白門寄蘊暉上人

矮閣聽詩酒未燭。去年雨脚亂深簷。小舟送客不成醉。一夜霜根上短髻。梅水白侵吳岫闕。蘆洲青斷攝山尖。落帆好載中冷碧。寄語僧寮夢道潛。

再集姚丈鷺羣閣

得攀高閣問鷺羣。每醉春陰話夕曛。樹對一枝庾嶺雪。峯移幾片洞庭雲。西堂夢草初成句。南郭馳煙舊勒文。別後思君期命駕。梁間懸榻許仍分。

繆太質移居閩門招飲作

參差羣籟總空寥。老去何心學避囂。山水自隨陶峴舫。土風猶近伯通橋。口如銜轡終須吐。身比虛舟詎厭飄。但說飲醇吾便醉。更無宿物對君澆。

秋日同叔達過侯氏郊居

芙蓉歲歲老江干。重過花蹊憶故歡。邀艇樵風生鶴渚。到門秋水落漁竿。幽人茅屋穿叢桂。狎客芳尊襲紫蘭。還往倒衣兼岸幘。不教童稚識衣冠。

文湛持宮允仲春初度

長洲花鳥媚芳辰。竹隴松關近接鄰。時解銀魚留法席。早通金馬冠詞臣。兩朝供奉生黃髮。一疏江湖縱巨鱗。他日殿廷真漢相。遠夷驚問鬢毛新。

憶金陵雜題畫扇

秋陰帶客思騰騰。木末荒臺盡日登。誰信到家翻憶遠。雨齋含墨畫金陵。最憶西風長板橋。笛床禪閣雨蕭蕭。只今畫裏猶知處。一抹寒煙似六朝。青門楊柳白門烏。秋雨秋陰舊酒壚。何處蘼蕪最相憶。纒絲風雨暗西湖。

雨中遊寶石山題畫

峯搖白雨水拖藍。萬木含風綠正酣。記得松毛初泊日。破船撐笠過湖南。

許儻韋白下寄丙午所畫秦淮秋雨索題

六年光景未題詩。畫得如塵似夢時。斷雨濕雲休細看。看時容易鬢成絲。

題江沙落木

殘夢依依見六橋。斷蓬飛蓋正無聊。只看沙溆縈紆處。曾倚青林送暮潮。

七夕同受之坐雨偶吮墨作中峯夜雨因憶拂水山居舊事漫書口號

洞門澗戶隱潺潺。洗竹搜松倒看山。畫出草堂雲水裏。無端幽事極相關。

登樓

少小聽歌怕唱愁。一聲楚尾與吳頭。如今身在傷心地。但見春光莫上樓。

李流芳六首

流芳字長蘅嘉定人。萬曆丙午舉人。有檀園集十五卷。

容臺集。長蘅以山水擅長。其寫生又有別趣。出入宋元。逸氣飛動。

庚子消夏記。長蘅長於詩文。畫乃其餘事。略爲點染。卽靈曠欲絕。

列朝詩集。長蘅性好佳山水。中歲於西湖尤數。詩酒筆墨。淋漓揮灑。山僧榜人。相與款曲。輒語。間持絹素請乞。忻然應之。書法規撫東坡。畫出入元人。尤好吳仲圭。其於詩。信筆輪寫。天真爛然。其持擇在斜川香山之間。晚尤遜志古人。草書杜白。劉蘇諸家詩。至數十巨冊。故於詩律益細。

無聲詩史長銜寫山水。清標映發墨淋漓。名士風流宛然筆墨之外。曾於西湖法相寺之竹閣寫山水四堵。尤爲奇秀。萬歷間。雪漁何震以印章著稱。長銜戲爲之。遂與方駕。眞敏而多能者也。

居易錄。牧齋喜李長銜詩。穀城山好青如黛。滕縣花開白似銀。予亦愛之。惜全篇不稱。別有東阿道中一首云。騰騰兀兀逐塵行。忽似春山爲解醒。高下欲隨人境繞。逶迤偏覺馬蹏輕。誰教柳色氍毹映。不分梨花處處生。愛煞穀城山下路。風光況復是清明。又滕縣道中云。山欲開雲柳乍風。杜梨花白小桃紅。三年三月官橋路。策蹇經過似夢中。風調頗佳。

山靜居畫論。長銜古情逸思。筆墨開張。可殿畫禪一軍。所遜者畫禪特爲醞釀耳。

田按長銜貌似譚友夏。友夏贈詩云。他年誰後死。優孟免躊躇。長銜亦贈友夏詩云。誰云譚郎貌似我。執手問人還似無。寸心明白已如此。區區形似終模糊。又與袁小修。鍾伯敬遊。故其詩未免爲楚咻所奪。今錄其不墮彼法者。五言特清迥出塵。

登慈雲嶺還訪嚴印持忍公無敕鄒孟陽聞子將於南山小築信宿爲子將題畫作

慈雲何盤盤。崑崙羅衆致。白石如疊浪。青林若簪髻。落日宜遠山。況與秋爽會。憶昨湖上亭。解后多意氣。感君十年心。發我千里思。江山日待人。突兀爲我輩。從來費夢寐。到此煩應對。寄懷鬱種種。筆墨差遠寄。披襟欲嗒然。相與尋冥契。

登銅井訪三乘上人

盤礴銅井道。舊遊記平樾。褰衣出木杪。坐覺耳目豁。半嶺界湖光。衆山爭出沒。湖天西北寬。山勢東南市。莫釐與縹緲。相望何巖峩。指顧煙雲間。可以一葦截。山頭石叅叅。歷亂如積雪。俯視千林花。上下同一潔。

山僧出迎我。問姓始相識。誰言三度遊。已作七年別。當時同遊者。眼中異存歿。山川閱來往。笑我老日月。悠悠且宅人。何乃爲化怛。終當離有漏。就此得真歇。

東阿道中

客舍東南隅。西山眺望間。朝見積雪斑。暮見落日殷。平生愛山心。對之了不關。今朝穀城下。春水始一灣。麥畦綠照眼。上有青螺鬢。忽如逢故人。一笑開襟顏。山水只如此。值我歸興閒。歸亦有何好。試問此青山。渡江遭風幾。覆泊潤州閘。口子將步至北固山。後禮觀音洞觀石壁。

十年渡揚子。狎此如衽席。今始識風波。呼吸投不測。舉世皆駭機。避就本無益。不死亦偶然。餘生真可惜。不然此春光。遂與成永隔。出險心已夷。聊共子遊息。望中指北固。沿溪花的的。言詣山之陰。仰觀快奇壁。偉哉鐵柱峯。屹呀疑斧劈。傍有衲子居。幽洞祕丹碧。洞中少寒暑。龕燈伴朝夕。嗟余風波民。何由得此適。幸已脫魚腹。復爾耽旦宅。稽首禮大悲。終然度苦厄。

黃河九日寄懷家中兄弟

江路寒仍晚。重陽候未回。遙知新酒熟。不待菊花開。郊北秋宜眺。村東客好來。河流向天際。難覓一登臺。

靈隱次穎法師韻

往來白雲社。坐臥丹楓林。齋飯經未罷。應門僧屢尋。出寺不覺遠。向山情轉深。前溪正落日。去住本無心。

婁堅五首

堅字子柔嘉定人貢生有吳歛小草十卷

四庫總目堅早從歸有光遊明史文苑附載有光傳中明之末造太倉歷下餘醜猶張公安竟陵新聲屢變文章衰敝莫甚斯時堅以鄉曲儒生獨能支柱頹瀾延古文之一脈亦可謂永嘉之末得聞正始之音矣

列朝詩集子柔經明行修學者推爲大師其師友皆出震川之門傳道其流風遺書以教授學者師承議論在元和慶歷之間箴砭俗學抉擿躋駁從容更僕具有條理衣冠修然容止整暇書法妙天下風日晴美筆墨精良方欣然染翰不受促迫與唐叔達程孟陽爲練川三老

靜志居詩話練川三老子柔古風獨勝

田按子柔傳震川之學薄元美輩爲庸妄鉅子雖與元美之子罔伯遊不能諱其失也吳歛小草長於古體刊落浮囂語多澹微近體絕句時流淺易蓋其所心摹力追者白樂天一流而才不足以濟之有真率而無興趣質勝則野其弊然也

遊靈谷寺早發龍潭

朝憐山氣爽日午困煩歎一望松陰深散步不覺遙卻如沂江來臥聞喧夜潮汲井漱清冷山僧出招邀
高殿若巖壑無風自漻漻我懷塔中人千載依雲霄誰爲捨宅者策蹇時山椒賢達古如此臨風託長謠
夏日屏居瑯琊東莊承辰玉書懷枉寄有答

人生賢愚分乃在勞逸情烈士多苦心焉能偷自營疢美毒茲多懷安實敗名燕雀爾何樂堂高亦易傾

我賤擇所便。自顧鷓鷯輕。欽子懷百憂。所以揚德聲。

贈別李長蘅

吾聞偶儻人。邁往意不屑。當其未遇時。吐論必軒豁。及乎施之用。要令頑鄙怛。名迹豈不然。昭昭揭日月。所以貴聞道。章光戒太泄。出口淡無味。功成視猶缺。窅然務內觀。泊然輕外物。皮毛脫落盡。然後見真骨。嗟子妙言語。況茲壯齒髮。歸依老律師。久已斷葷血。被服與俗同。冥心契禪悅。行當赴功名。千里坐超忽。眷言平生親。解攜在明發。吾衰就日損。將何申贈別。林士願多奢。行人事每節。毋以不磷緇。輕用試磨涅。閒居感懷追憶金後愚翁慨焉成篇

鄉人不畏吏。乃畏王彥方。所以愧其心。豈不在居常。憶昨里中翁。口不挂舌藏。逡巡若處子。接物惟恐傷。其人雖已沒。其行久彌芳。薄俗吁可怪。役智紛攪攘。豈復畏長者。但矜爪距強。翁乎幸不見。見之熱中腸。讀書聖像禪寺

日余謝塵囂。竭來信幽賞。野寺灌莽中。閒居闔虛敞。涼風生庭除。秋氣一何爽。頗從禪誦餘。慧性得開朗。卽理理自如。隨緣緣自往。無爲礙諸有。時入顛倒想。

唐時升九首

時升字叔達。嘉定人。有三易齋集二十卷。

續山集。叔達五言古高閑遠淡。以方儲章不啻過之。七言古步驟老杜。乃專肖其神情。五七言律出入王右丞。劉隨州間。列朝詩集。叔達詩皆放筆而成。語不加點。用方寸紙雜寫如塗鴉。旋即棄去。遇其得意。才情隨發。雖苦吟腐豪之士。無以加也。田按。叔達五古擬陶。時有佳境。近體絕句。軒豁中微。少涵蓄。牧齋所謂放筆而成。蓋親見之。竹垞疑其有意軒輊。非篤論也。

和陶飲酒三首

日久擁羣籍。里巷如空山。偶逢會心處。思與古人言。古人去已遠。近者乃千年。不如營一醉。妙理默已傳。避焚于水涘。避溺于山隅。此計未必然。憂患實多途。前爲榮貴引。後有貧賤驅。所以達者心。止足不願餘。仲蔚今何歸。吾欲從之居。

少小慕長生。茫茫無所得。真人不可遇。經訣轉生惑。百千啓旁門。嘗恐大道塞。治生貴不煩。清靜如治國。玄聖有遺誠。萬事不如默。

和陶雜詩

大海一浮漚。世界一浮塵。何異六合間。置此七尺身。百年若一夢。戀戀此六親。正如逆旅中。殷勤會四鄰。離合難爲常。匪夕惟伊晨。愚者勿復道。嗟彼英雄人。

題張果仙人入海圖贈善琵琶者

白驢蹀躞凌波濤。奚奴追攀泣且號。問君何事欲入海。人世紛紛如蠟毛。海濱有客見圖畫。笑道此翁大

狡獪人間何處不徜徉。君自胸中多薺芥。吳中冬月秫酒香。繁絃急管日在旁。少年私來學犯調。長夜獨坐彈清商。眼前歡笑足老矣。豈必避世逃滄浪。迴君轡。勸君酌。我有鳳槽鷓鴣雞索。請君一奏走馬雁兒落。

太原公東園

累日厭人事。殘春憐物華。壺觴來別墅。菜麥散晴沙。鳥語對橋竹。魚啣臨水花。老思棲隱處。真欲問東家。

大內

雙闕晴雲紫翠重。中天樓閣繡芙蓉。金階窈窕留仙仗。玉几清嚴奉御容。青瑣閉來煙樹合。翠華臨處露花濃。不須對此生惆悵。豐鎬元爲萬國宗。

過陶真人故居

世皇中歲好神仙。方士承恩玉几前。特賜珠宮開甲第。頻分寶膳供經筵。馬肝食後留精舍。牛腹書存剗墓田。寂寞鼎湖松檜色。經過此地一潸然。

秋夜懷人

平蕪見月自生愁。虛度清光夜夜秋。最憶西園絲竹裏。紫衣紅拂唱梁州。

明詩紀事卷五

庚籤

袁宗道二首

宗道字伯修。公安人。萬曆丙戌進士。改庶吉士。授編修。歷中允。洗馬。庶子。贈禮部侍郎。有白蘇齋集二十二卷。

列朝詩集。伯修在詞垣。當王李詞章盛行之日。獨與同館黃昭素厭薄俗學。力排假借盜竊之失。於唐好香山。於宋好眉山。名其齋曰白蘇。所以自別於時流。其才或不逮二仲。而公安一派。實自伯修發之。

靜志居詩話。伯修服習香山。眉山之結撰。首以白蘇名齋。既導其源。中郎小修繼之。益揚其波。由是公安流派盛行。然白蘇各有神采。顧乃頽波自放。舍其高潔。專尙鄙俚。鍾譚從而再變。鼻音駢舌。風雅蕩然。泗鼎將沈。魑魅齊見。言作俑者。孰謂非伯修也耶。

田按。伯修深入禪理。興趣蕭遠。詩特寄耳。其同人讀唐詩有感云。數卷陳言逐字新。眼前君是賞音人。家家橫玉誰知質。處處描龍總忌真。再捨肉黥居易句。重捐金鑄浪仙身。一從馬叢卮言出。雖洗詩家入骨塵。意在翻王李窠臼。中郎小修從而煽之。遂令天下靡然從風。亦伯修所不及料。

食魚筍

竹筍真如土。江魚不論錢。百年容我飽。萬事讓人先。交態歸方識。冰心老自堅。雨窗歌綠樹。宜醉更宜眠。

春日閒居

不才敢擬子雲玄。索米金門又一年。風味漸隨雙鬢減。天真猶仗一樽全。破冰滴硯晨箋易。掃地安單夜坐禪。閒洗磁瓶烹芥茗。故人新寄玉山泉。

袁宏道十九首

宏道字中郎。宗道弟。萬曆壬辰進士。除吳縣知縣。改順天教授。歷國子博士。禮部主事。改吏部。歷員外郎中。有敝篋集二卷。錦帆集四卷。解脫集四卷。瓶花齋集十卷。瀟碧堂集二十卷。廣陵集一卷。破研齋集三卷。華嵩遊草二卷。桃源詠一卷。

四庫總目。明自三楊倡臺閣之體。遞相摹仿。日就庸庸。李夢陽何景明起而變之。李攀龍王世貞繼而和之。前後七子。遂以仿漢摹唐。轉移一代之風氣。迨其末流。漸成僞體。塗澤字句。鉤棘篇章。萬喙一音。陳因生厭。於是公安三袁又從而排抵之。其詩文。變板重爲輕巧。變粉飾爲本色。致天下耳目一新。又復靡然而從之。然七子猶根於學問。三袁則惟恃聰明。學七子者。不過質古學三袁者。乃至矜其小慧。破律而壞度。名爲救七子之敝。而敝又甚焉。

袁中道到雪齋集。中郎詩文。如錦帆解脫。意在破人之執縛。才高膽大。無心於世之毀譽。聊抒其意之所欲言耳。或快爽之極。浮而不沈。情景太真。迫而不遠。而出自靈竅。寫于銛穎。蕭蕭冷冷。足以蕩滌塵情。消除熱惱。一二學語者流。取中郎率易之語。效顰學步。其究爲俗俚。爲纖巧。爲莽蕩。烏焉三寫。必至之弊。豈中郎之本旨哉。

野獲編。邱中偶與袁中郎談詩。其攻王李頗甚。口而嘗于麟尤苦。偶案上乃其新詩稿。持問余曰。此僕近作。何語爲佳。予拈其聞蟬二語云。琴裏高山調。詩中瘦鳥吟。最工。并其鄴中懷古一聯云。殘粉迎新帝。妖魂逐小郎。用事鎔化。前人未有。但結聯曹家兄弟好。無乃太淫荒。忽講道理。近於呆腐。袁笑謂予賞音。

明詩選。李舒章曰。中郎淺俗。有元白之風。

列朝詩集。萬歷中年。王李之學甚行。黃茅白葦。彌望皆是。文長義仍。嶄然有異。沈痼滋蔓。未克芟薙。中郎以通明之資。學禪於李龍湖。讀書論詩。橫說豎說。心眼明而膽力放。於是乃昌言擊排。大放厥辭。以爲唐自有詩。不必選體也。初盛中晚皆有詩。不必初盛也。歐蘇陳黃各有詩。不必唐也。唐人詩。無論工不工。第取讀之。其色鮮妍。如且晚脫筆研者。今人之詩。雖工。拾人釘。餽。纔離筆研。已成陳言死句矣。唐人千歲而新。今人脫手而舊。豈非流之性靈。與出自剽擬者。所從來異乎。空同未免爲工部奴僕。空同以下。皆重儻也。論吳中之詩。謂先輩之詩。人自爲家。不害其爲可傳。而詆訶慶歷以後。沿襲王李二家之詩。中郎之論出。王李之雲霧一掃。天下之文人才士。始知疏淪心靈。搜剔慧性。以蕩滌摹擬塗澤之病。其功偉矣。機鋒側出。矯枉過正。於是狂警交煽。鄙俚公行。雅故滅裂。風華掃地。竟陵代起。以淒清幽獨。矯之。而海內之風氣。復大變。譬之有病於此。邪氣結轉。不得不用大承氣湯下之。然輪瀉太利。元氣受傷。則別症生焉。北地濟南。結轉之邪氣也。公安瀉下之劫藥也。竟陵傳染之別症也。餘分閩氣。其與幾何。慶歷以下。詩道三變。而歸於淩夷燔熄。豈細故哉。

沈德潛說詩。醉語。王李既興。輔翼之者。病在沿襲雷同。攻擊之者。又病在翻新吊詭。一變爲袁中郎之詆諧。再變爲鍾譚之僻澁。三變爲陳仲醇程孟陽之纖佻。迴視嘉靖諸子。又古民之三疾矣。

龍性堂詩話。中郎矯枉初盛。終落元白後塵。

靜志居詩話。中郎集中。俳諧調笑之語。如西湖云。一日湖上行。一日湖上坐。一日湖上住。一日湖上臥。偶見白髮云。無端見白髮。欲哭翻成笑。自喜笑中意。一笑又一跳。此本滑稽之談。類入於狂言。不自以爲詩者。乃錫山華聞修選明詩。從而擊賞歎絕。

是何異棄蘇合之香。取蛭蟻之轉邪。

田按。中郎才調殊絕。錦帆解脫。不離綺語。瀟碧破研。自矜擺脫塵囂。獨臻妙境。譬之么絃側調。可以適獨坐。不可以登清廟。明堂。至狂言等作。幾於下里之曲矣。

宿千像寺柬鍾刺史

詰曲欹軀路。皴秀透瘦石。飛巖繡鐵花。螺子點雲額。平生米南宮。耽幽窮鬼跡。石根搜古雲。踏遍秋空碧。豁眼見新巒。長笑落巾幘。貪看不知晚。懸石布茵席。回首神仙吏。青嶂達門闕。侍吏朝焚香。秋雲幾回白。稜稜怪石供。聊以施遊客。

古荆篇

年年三月飛桃花。楚王宮裏鬪繁華。雲連蜀道三千里。柳拂江堤十萬家。丹樓繡幌巢飛燕。青閣文窗起睡鴉。鴉歸燕語等閒度。不記江城春早暮。東風香吐合歡花。落日烏嘯相思樹。王孫挾彈郢門西。少年借客章臺路。少年矯矯名都兒。雕鞍朱勒黃金羈。採桑陌上青絲籠。紅粉樓中白紵辭。白紵綠水爲君起。青春環珮如流水。東城絲管接西城。相府豪華壓朱邸。俠客飛鷹古道傍。佳人賣笑垂楊裏。垂楊二月隱朱樓。家家宴喜樓上頭。碁烏喧闐朝送酒。管絃嘈雜夜藏鉤。繁絃急管夜初闌。惜花少女怨春殘。桃花灑灑歌成血。蘭炷漫漫火送寒。曉風楊柳菖蒲浦。秋月梧桐金井欄。秋月春花無斷絕。門前郁李九迴折。願作

陽臺雨後雲。誰憐洛水風中雪。陽臺洛水夢空長。那似倡家玳瑁床。選得東家佳姊妹。卻延西第好兒郎。織成錦席迷蝴蝶。種得青梧棲鳳凰。遊人戀戀無窮已。踏遍江城春萬里。只解賓從集似雲。那惜年光去如矢。花開花落迴生愁。郢樹鄢雲幾度秋。霍氏功名成夢寐。梁王臺館空山邱。榮枯翻覆竟何言。昨宵弱水今崑崙。無人更哭西州路。有雀還登翟氏門。漢恩何淺天何薄。百年冠帶坐蕭索。昔時噓氣成煙雲。今朝失勢委泥礫。青娥皓齒嫁何人。金床玉几爲誰作。已矣哉。歸去來。楚國非無寶。荆山空有哀。君看白雪陽春調。千載還推作賦才。

明詩選。陳臥子曰。石公才情本自流麗。此篇似刺江陵而作。

田按。此詩不徒刺江陵。兼爲遼王作也。遼王事。見甲籤及弇州江陵伎篇。

春曉曲

蘭燈藥綻白光殘。隔花呼起夜歌鸞。琵琶轉捩嬌無力。博山欲炷龍腦寒。眉稍散黛重重撥。額角輕黃正正安。侍兒不語流鶯語。海棠沈睡赤闌干。

偶題

得句題蕉葉。裁冠費筍皮。宦情三不可。禪理百無知。野館繁梔子。晴窗語燕兒。謝安何小草。相業僅能基。

憩法相

峯脚微微仄。篁梢个个清。聽鐘龍懺悔。入室虎經行。鞭笋和泥重。頭茶帶紙輕。山僧談往事。一倍惜塵情。

送雪照還吳

洗鉢焚鈔去。瞻雲倚棹歌。離鄉吳語變。入咏楚騷多。五老峯頭瀑。三江雪後波。毳衣櫻笠子。袖手看嵯峨。

黃竹石入都匆匆告去筵上作詩爲別

北闕何曾過。西山亦未登。袖中無半刺。鬢上有層冰。夢入沖煙鶴。書詢過海僧。省廬眞似水。知汝不求丞。

龍潭

孤舟千里訪瞿曇。蹤迹深潛古石潭。天下豈容知己二。百年眞上洞山三。雲埋龜嶺平如障。水落龍宮湛似藍。愛得芝佛好眉宇。六時僧衆禮和南。

別王百穀

河上清霜雁字斜。西風匹馬又天涯。錦帆徑遠郎官舍。冠子橋通處士家。好事每供梅月水。清齋長試穀前茶。東鄰不是無妹子。眼底何人解浣紗。

暮春同謝生汪生小修遊北城臨水諸寺至德勝橋水軒待月時微有風沙

一曲池臺半畹花。遠山如髻隔層紗。南人作客多親水。北地無春不苦沙。熟馬慣行溪柳路。山僧解點密雲茶。滿川澄月千條柳。踏踏蒼波過幾家。

柳浪館

徧將藍瀟浸春顏。風柳鬢鬢九尺鬟。鶴過幾回沈影去。僧來時復帶雲還。閒疏滯葉通鄰水。擬典荒居作小山。欲住維摩容得否。湖亭纔得兩三間。

寄黃平倩庶子

百年身世付疏頑。只在溪花浪柳間。已分髮毛捐白足。但憑牙頰佞青山。夢迴巴國雲千里。書到峨眉翠幾灣。龍不隱鱗真可恥。漢陰抱甕省機關。

暮春偕同署諸君子飲郭外

滑滑春流瀉穀紋。嵐光映照石榴裙。今朝只許談風月。何日相從問水雲。細雨乍收山鳥喜。亂畦行盡草花熏。海棠枝底烏紗側。未覺飛觥到十分。

暮春遊韋氏莊憶十二年前先伯修暨顧升伯李長卿偕遊此地今伯修去世八年顧李新以言去
潛然久之

猶記天街白鼻騮。出門長是踏風沙。幾年夜雨慈恩寺。十度春風柰子花。石火蒼忙思駐景。灘流清淺夢移家。東林法道衰如許。不見栽蓮謝永嘉。

坐王章甫水明樓漢陽

巒光設色淺深間。萬瓦鱗鱗鑑碧灣。孤塔自來當沔口。高僧相過說廬山。常時杯底沈黃鶴。每就堂中乳白鷗。南北精藍看比比。蒲團纔得個人間。

柳浪初正

旋賒白髮號衰翁。舊業今緣次第空。山鳥乍聞新格磔。峽僧遙寄小玲瓏。有僧寄山子坐消纖雨輕陰日。閒踏疏黃淺碧風。收拾方橋與蘭槳。待看紅萼慢流中。

柳枝詞

江南柳絮已飛時。河北垂楊未折枝。一種青娥嬌眼女。南家嫁早北家遲。

宿朱仙鎮

秋高夜鐸冷空庭。草木猶疑戰鐵腥。地下九哥今悔不。六陵花鳥哭冬青。

擬宮詞

宜春苑裏日初斜。三百妖童校麗華。韎韐戎衣朱鬣馬。不知若個是官家。

袁中道十首

中道字小修。宏道弟。萬曆丙辰進士。授徽州教授。遷國子博士。改南禮部主事。歷郎中。有珂雪齋

集二十四卷

袁宏道錦帆集。小修詩文。獨抒性靈。不拘格套。有時情與景會。頃刻千言。如水東注。其間有佳處。亦有疵處。佳處自不必言。即疵處亦多本色。獨造語。予則極喜其疵處。而所謂佳者。尙不能不以粉飾蹈襲爲恨。以爲未脫近代文人氣質故也。

列朝詩集。小修詩有才多之患。

龍性堂詩話。小修七言佳句。如漢陽感舊云。芳草偏憐衡虛土。桃花不夢息夫人。懷中郎云。青山到處悲王粲。明月曾經照謝莊。不第歸云。相逢誰勝黃江夏。不死差強禰正平。

田按。小修自序珂雪齋集云。文法秦漢。古詩法漢。魏。近體法盛唐。此詞家三尺也。予敬佩焉。而終不學之。非不學也。不能學也。古人之意至。而法卽至焉。吾先有成法。據於胸中。勢必不能盡達吾意。達吾意而或不能盡合於古之法。合者留。不合者去。則吾之意。其可達於言者有幾。而吾之言。其可傳於世者又有幾。故吾以爲斷然不能學也。姑抒吾意所欲言而已。夫古之人豈易言哉。豈惟古人。卽本朝諸君子。各有所長。成一家言。敢自謂超乘而上之耶。可謂有自知之明。惟伯修。中郎之論。先入爲主。故其所作。不脫輕佻氣質。予取其集中之近雅者存之。卽中郎所謂以粉飾蹈襲爲恨者也。

贈別詹淑正之晉陵赴吳采于之約

我向真州作酒客。日與詹生傾一石。有時大叫復狂吟。醉中往往說夙昔。當時長安好意氣。袁絲爲兄灌夫弟。飛蓋乍隨墨士場。鳴鞭又指金吾第。天階明月淨如拭。一人豪歌千人嘿。飛龍旛馬借來騎。五陵年少看顏色。大篆小篆信手塗。一碟一波好筆力。白璧黃金取次來。緩急猶能捐赤仄。塵飛颺起罷風流。猖獗犬令人愁。四明狂客還故邱。身亦拂衣出帝州。楚水吳山作浪遊。芙蓉爲帶女羅裙。贏得身閒似野雲。金管旣邀新賦客。玉魚重送故將軍。肝膽空自向人盡。眼前寂寞平原君。花溪鹿床傍江村。寒潮日夜

打柴門。市人不重宜官耐。衫上月餘無酒痕。一字尋丈千字尺。維揚賈子見不懌。婚嫁既逼小烏羊。舉頭問我我無策。晉陵吳郎吳季札。舊日與君稱莫逆。好客滿堂獨憐君。排山轉海應無惜。有髻如戟聲如鐘。看來未必常困阨。江水茫茫雲頭黑。我欲挽留留不得。見君故人早言旋。馬首遙遙予將北。

昆陽

猶是南荆部。經旬未出疆。古祠銅馬帝。疏樹伏龍岡。沙起蒸成霧。蓬飛飽帶霜。倒戈奔象兕。大戰憶昆陽。

高梁橋

覓寺休辭遠。逢僧不厭多。一泓春水疾。十里柳風和。香霧迷車騎。花枝耀綺羅。半年塵土胃。滌洗賴清波。

游章臺寺同中郎傅仲執諸公

鼎沸人煙盡。澄湖素練開。雨清調馬路。月上看花臺。地僻千畦菜。僧貧一院苔。鐘聲日暮起。松梵有餘哀。

寶林寺歲暮

姑蘇舊是少年場。此地僧貧寺久荒。野鳥乍來翻定水。蒼苔直欲上禪床。且將白骨銷塵習。未有黃金飾鬪裝。雨雨風風催歲暮。愁來獨自伴支郎。

同臧顧渚謝在杭秦京避暑天甯寺樹下

除卻閑行百事慵。小童日抱一枰從。乍看密樹疑深嶂。偶度危橋得好峯。池水紋生涼瑟瑟。火雲樹起幻

重重經聲響處尋開士。曲徑無人竹影濃。

海淀李戚畹園

滿目塵沙塞路蹊。夢魂久已憶山棲。誰知煙水青溪曲。只在天都紫陌西。鎮日浮舟穿柳澗。有時調馬出花畦。到來賓主紛相失。總似仙源徑易迷。

枝江道中

楚國丹陽路未賒。峯巒斷處又平沙。溪深不障爛斑石。梅老猶餘冷淡花。水氣漾舟全似月。山嵐收雨盡成霞。風煙如此今方到。悔不從前細泛槎。

曉溪

雞闌村市喧。棹動曉星滅。怪得夜衾寒。推篷霜似雪。

夜泉

山白鳥忽鳴。石冷霜欲結。流泉得月光。化爲一溪雪。

鍾惺三首

惺字伯敬。竟陵人。萬歷庚戌進士。授行人。遷工部主事。改南禮部。進郎中。出爲福建提學僉事。有隱秀軒集三十二卷。

魏朝詩集。伯敬少負才藻。有聲公車間。擢第之後。思別出手眼。另立幽深孤峭之宗。以驅駕古人之上。而同里譚生元春爲之應和。海內稱詩者靡然從之。謂之鍾譚體。譬之春秋之世。天下無王。桓文不作。宋襄徐偃。德涼力薄。起而執會盟之柄。天下莫敢以爲非伯也。數年之後。所撰古今詩歸。盛行於世。承學之士。家置一編。奉之如尼邱之刪定。而寡陋無稽。錯繆疊出。稍知古學者。咸能挾筴以攻其短。詩歸出而鍾譚之底蘊畢露。溝澮之盈。於是乎涸然無餘地矣。當其創獲之初。亦嘗覃思苦心。尋味古人之微言奧旨。少有一知半見。掠影希光。以求絕於時俗。久之見日益僻。瞻日餘粗。舉古人之高文大篇。鋪陳排比者。以爲繁蕪熱爛。胥欲掃而刊之。而惟其僻見之是師。其所謂深幽孤峭者。如木客之清吟。如幽獨君之冥語。如夢而入鼠穴。如幻而之鬼國。浸淫三十餘年。風移俗易。滔滔不返。余嘗論近代之詩。抉擿洗削。以淒聲寒魄爲致。此鬼趣也。尖新割剝。以噍音促韻爲能。此兵象也。著見文章。而國運從之。豈亦五行志所謂詩妖者乎。

馮班鈍吟雜錄。李何王李之論詩。如貴胄子弟。倚恃門閥。傲忽自大。時時不會人情。鍾譚如屠沽家兒。時有慧黠。異乎雅流。古夫子亭雜錄。鍾伯敬集中。早朝詩云。殘雪在簾如落月。輕煙半樹信柔風。閱之不覺失笑。如此措大寒乞相。乃欲周旋金華殿中。將易千門萬戶爲茅茨土階耶。

田按。伯敬苦心吟事。雕鏤饑削。不遺餘力。五古遊覽之篇。猶有佳作。近體力矯王李之弊。舍崇曠而入莽榛。薄亮音而矜細響。所謂以小智破大道者也。

經觀音巖

洞巖但如此。今來較不同。泉石稍差次。邊覺心目通。峯氣值殘霽。往往變蒼紅。曲屈失故徑。層深翻得窮。向者攀援處。乃在頰視中。安知所蹈歷。其下非嵌空。何心覓前源。徑盡忽以逢。水木發秋籟。而非谷中風。

惘默觀因應。悅焉如發蒙。

城南古華嚴寺半就傾頽。同一雨法師徐元歎陳磐生往訪詩紀冥遊兼勸募復。

六載秣陵人。自許遊栖熟。所愧城南寺。前此未寓目。懷新快初至。詢仰得前躅。數里聲香中。人我在空綠。金碧感廢興。林軸增幽獨。佛事寄花果。僧意安水竹。微雨灑新陽。羣有俱膏沐。淨地不必言。亦可備登矚。先往勸同心。靜者來相續。庶借奔悅情。共爲信施勗。

題范素容所作孟和蘭竹畫扇

南國多蘭竹。風煙寫未真。沅湘魂一段。消付管夫人。

譚元春二首

元春字友夏。竟陵人。天啓丁卯舉人。有嶽歸堂集十卷。

列朝詩集。友夏之才力薄於鍾。其學殖尤淺。譚劣彌甚。以俚率爲清真。以僻澹爲幽峭。作似了不了之語。以爲意表之言。不知求深而彌淺。寫可解不可解之景。以爲物外之象。不知求新而轉陳。無字不啞。無句不謎。無一篇章不破碎斷落。一言之內。意義違反。如隔燕吳。數行之中。詞旨蒙晦。莫辨阡陌。原其初。豈無一知半解。游光掠影。居然謂文外獨絕。妙處不傳。不自知其識之墮於寬。而趨之沈於鬼也。

田按。友夏樂府。可謂刻畫無鹽。近體與鍾同趨。而不如鍾。尙多簡句可採。

閱西京雜記

青青漢文陵。杳杳商湯邱。高識破今惑。遠覽欽前修。南山誠有隙。石槨詎良謀。唾壺玉蟾蜍。空復爲人留。屏間列雲母。林上列鬪體。枕藉錯男女。暴露多王侯。黃霧宜繁冤。白狐起相讐。傷哉瓦槨人。而亦罹厥憂。厚葬愚復愚。薄葬空慮周。所以賢達士。但保生無愁。能逃廣川虐。終爲來者搜。

讀陶詩詩爲魯文恪手錄

陶詩淡如此。微雲沈古潭。密奧了無際。冥冥慎氣參。高非由簞瓢。趣豈關沈酣。素而不近枯。心聲如可探。我欽鄉先達。已深躁銳慚。想其寫此帙。清風吹茅庵。

明詩紀事卷六

庚籤

楊漣一首

漣字文孺。應山人。萬歷丁未進士。除嘗熟知縣。徵授戶科給事中。遷兵科右給事中。進都給事中。改禮科。擢太常少卿。拜左僉都御史。進左副都御史。死璫禍。崇禎初。贈太子太保兵部尚書。諡忠烈。有集六卷。

靜志居詩話。六君子被逮。周朝瑞。袁化中。顧三公。以五月到北司。魏楊左三公。以六月到北司。比較之日。六君伏櫓溜下。楊居中。左居楊之左。魏居楊之右。顧居魏之右。周居左之左。袁居周之左。許顯純初猶作爾汝稱。旋竟呼名叱咤。獄吏有稱犯官者。顯純怒罵曰。此等犯人耳。何官之有。其刑具有械有鐐。有棍有杓。有夾棍。遇比較。流血灑地。楊左。魏三公先斃。次袁。次周。次顧。投環而逝。是年六月。詔獄土地祠前樹下生一黃芝。六君子至日。光彩映人。環視適六瓣。見者疑吉兆。顧公歎曰。芝。瑞草也。而生於獄。其妖乎。未幾。六君子皆斃於獄。楊公之歸。輿也。負以二騾。其子及一二蒼頭。徒跣道上。行路皆爲飲泣云。

失題

山色無定姿。如煙復如黛。中有素心人。鳴琴應秋籟。

左光斗一首

光斗字遺直桐城人萬歷丁未進士授中書舍人遷御史擢大理寺丞進本寺少卿拜左僉都御史死璫禍崇禎初贈右都御史再贈太子少保福王時追諡忠毅有集五卷

居易錄左忠毅公視北畿學有知人鑒凡所題品往往奇中史公可法年少貌寢公拔之爲童子冠勉之曰善自愛將來社稷臣也後卒如其言

靜志居詩話萬忠貞之死忠毅哭之以詩有云我有白簡繼君何能已與君同游杖下矣丹心留在天壤間默默之生不如死是亦不愧其言者也

柳亭詩話孫文忠高陽集有三十五忠詩左忠毅其一也忠毅送楊大洪歸里詩觸階流血君方見叩關排簾宮始移痛定思痛亦未知後日之禍如是之烈也

田按忠毅生平佩服楊椒山顏其堂曰噉椒及遭璫逐道中感懷云願難諧栗里禍恐續椒山卒與楊公同一死義

雨宿

小雨疏林淨虛堂老衲閒夜深官燭短病後酒杯慳起和壁間韻行看窗外山一聲鐘磬寂明月起松關
繆昌期一首

昌期字當時嘗熟人萬歷癸丑進士改庶吉士授檢討歷贊善諭德死璫禍崇禎初贈詹事兼侍讀學士福王時諡文貞有從野堂存稿八卷

靜志居詩話六君子之獄多以政客魏取禍文貞無言責而黨奄人者尤惡之蓋以善謀見嫉也文貞與顧涇陽書云東漢南

宋之事。某感歎於中者久矣。互相標榜。豈士君子之幸哉。又與楊大洪書。不肯歸矣。便可不復出。又與葉臺山云。不入長安門。不知世路之險且惡也。是亦明哲之見。而終不免焉。命矣夫。

田按。福清再相。史稱事冲主不能審直。如神宗時。猶數有匡救。然於楊大洪疏劾魏忠賢二十四大罪。深以爲非。且謂忠賢於上前時有匡正。鳥飛入宮。上乘梯手擲之。忠賢挽衣不得上。有小璫賜緋者。忠賢叱曰。此非汝分。雖賜不得衣也。此疏行。安得此小心謹慎之人。在上左右。時文貞在座。愕然曰。誰爲此言。以誤公。可斬也。福清色變。乃具揭請令忠賢退歸私第。此事見文貞文集。自敘中。余謂是時忠賢播惡於衆。福清豈不知之。乃伴爲此言。是亦權譎自保之一端。大臣不言而小臣乃言之。文貞亦坐此與大洪俱填牢獄。衝之焉。用彼相之義。福清其謂之何哉。

入檻車

嘗讀膺滂傳。潸然涕不禁。而今檻車裏。始悟夙根深。一死無餘事。三朝未報心。南枝應北指。視我實園陰。

周順昌二首

順昌字景文。吳人。萬歷癸丑進士。除福州推官。徵授吏部主事。遷員外郎中。死璫禍。崇禎初。贈太常寺卿。諡忠介。有燼餘集三卷。

靜志居詩話。忠介之逮。在天啓丙寅三月。校尉至。知吳縣事陳文瑞持檄詣公。公從容談笑。入書齋。理圖籍。見案有素楮。爲龍樹菴僧乞書者。泚筆揮灑。拂袖而出。入縣廨。越三日。宣詔。聚觀者累萬人。巡撫立於左。巡按立於右。諸生王節等肅而前曰。大人有事地方。詎不知吏部居鄉立朝者。今日人情如此。明公獨不爲青史計乎。曷不據實上聞。請外臺勸治。撫按股栗不敢諾。縱騎手環瑯擲之地。大呼囚安在。衆怒奮躍而登。攀闌折楯。歐諸校尉。詰曰。旨何從出。曰。魏上公。於是衆共擊持僞旨者。時大

雨堂下萬屐齊擲。綈騎伏撫按脇下。一尉匿梁上。驚墮而死。是夜撫按具疏告變。捕十三人下於獄。論五人大辟。五人者。顏佩章。馬傑。楊彥如。沈揚。周文元。文元。公輿丁也。佩章。臨刑。告知府寇慎曰。囚等爲周吏部死。死於義。非爲亂也。公旣斃於錦衣獄。歸葬白蓮橋南馬家墩。崇禎初。吳人毀魏忠賢善惠祠。購佩章等頭顱。合尸葬。於是題曰五人之墓。太倉張溥爲作碑記。先是御史倪文煥首劾公。及敗。畫見五人戎裝帶劍入其室。須臾。旌旛導公來。庭中石井闌忽飛起。轟震而去。亦異事也。公子茂闌。字子佩。嘗醫指瀝血書疏草頌公冤。故邀卹典特優渥。子佩高隱不仕。鄉人私謚端孝先生。其血書副本尙存於家。予曾見之。爲跋其尾。

寄懷鹿乾岳年兄

相思懷抱向誰開。秋盡衡陽雁不來。三十功名淹海國。百年心事弔荒臺。壯懷自覺愁中盡。薄鬢偏從病裏催。世路行藏須努力。月明北望轉徘徊。

假歸留別次文起韻

此日邊烽接帝都。忍將歸計向征途。十年懷抱樽前盡。且向青山學釣徒。

魏大中一首

大中。字孔時。嘉善人。萬曆丙辰進士。授行人。遷工科給事中。歷禮科右給事中。進吏科都給事中。死璫禍。崇禎初。贈太常卿。諡忠節。有藏密齋集二十四卷。

靜志居詩話。忠節骨鯁之臣。然頗留心風雅。里人王屋布衣能詩。公見其賦秋蘭作爲之擊節。值文會。公曰。孰爲賦秋蘭者。起而復揖之。布衣感公之知。公被逮日。徒步送之境外。揮淚而別。

田按。忠節被逮。宿奉聖禪院。留題云。果不墜臨。惟有死。縱然歸去已無家。其語沈痛。讀之令人流涕。

秋日元爾見過書懷

秋來工伏枕。四壁未須愁。名合長貧落。交應久病休。只君看二仲。知我業千秋。明月懷中在。逢人未肯投。

李應昇五首

應昇字仲達。江陰人。萬歷丙辰進士。除南康推官。擢福建道御史。死璫禍。崇禎初。贈太僕卿。福王時。追諡忠毅。有落落齋遺稿十卷。

萬曰吉。東有堂集。仲達先生。英廳烈魄。照耀卷冊。忠孝之血。隨地涌瀉。睢陽聞笛之驚。少保北伐之詠。化碧流丹。千年一轍。陳瑚確菴集。忠毅服官之日。不名一錢。情不離山水。口不忘忠孝。其游白鹿洞詩云。至理悟消息。達士亶云靖。公平日之澹泊甯靜。所以養其剛大之氣者。爲何如。而世之稱公者。但知其蟬蛻汙泥。爭光日月。而不言其樹立之有本。蓄積之有素。則亦耳食目論者之爲見矣。

靜志居詩話。王紹徽東林點將錄。阮大鍼名亦與焉。大鍼初與李忠毅。魏忠節相善。及忠節補吏垣。大鍼疑忠節有意逐之。遂結傅樞黨於魏監。忠毅猶憶舊交。貽之書云。昔正叔子瞻。一生樹敵。到底同鑄黨籍之名。若使蔡確之徒。欲分收一人以去。二君子必不願也。可和可爭。必不受小人之攀援。斯君子之品乃見。而大鍼既投璫幕者。已絕於諸君子矣。及忠毅被逮於檻車。賦詩云。細數知交在。逍遙各一方。魏齊方睥睨。阮籍亦猖狂。形影悲相弔。音書夢已荒。古人不可作。搔首問蒼蒼。抑何其忠厚之深也。魏齊指誓熟。魏浣初。阮籍則指大鍼。其後居南京。諸生顧杲等一百四十人。草檄討之。既而附馬士英得志。導之重翻三案。誅鉏正人。僉壬之反覆。直同鬼蜮。雖有詠懷堂詩。吾不屑錄之也已。

潯陽姚司李以遷行小詩送之

姚子澹蕩人。腰折江州吏。文移拄笏了。放衙理幽事。慷慨發高歌。蕭靜領孤意。君說返故園。小草甘獨寐。酌酒試問君。毋乃五鬼祟。君曰心悠哉。寒魚不可餌。歎息送君行。張翰今誰二。

丹陽道中

已作冥鴻計。誰知是僂民。雷霆驚下土。風雨泣孤臣。憂患思賢聖。艱難累老親。生還吾敢望。解網頌湯仁。

顧山樓山茶次前人韻

何年嘉樹老空谷。古榦摧謝孫枝高。寒碧霜梭伴幽桂。爛紅春色凌天桃。夕陽對酒豔歌發。快閣題詩白筆操。天與青山間作主。山僧且莫厭頻遭。

白下送友歸吳門

秋風催落葉。惆悵送君行。別思知何許。江濤夜夜聲。

書驛亭壁方壽州詩後

君憐幼子呱呱泣。我爲高堂步步思。最是臨風淒切處。壁間俱是斷腸詩。

棗林雜俎。天啓初。壽州御史方震孺被逮。題滕陽驛壁。品兒一月才三日。懷裏呱呱別乃翁。若使長成能問父。阿兄向北指悲風。丙寅。江陰御史李應昇亦被逮過之。題云。宗禎戊辰。武進鄒嘉生復官。備兵海上。南還飯滕陽驛。見壁間方氏新題宛然。而仲達詩墮去矣。因系以詩。荒庭樹禿慘霜碑。有客巡檐淚獨垂。碧血已酬忠孝志。紗籠獨見死生枝。六歌兒女情偏至。十死

君臣義不移。豈爲姓名甘鼎鑊。千秋巡遠自心知。

萬燦一首

燦字關夫。新建人。萬歷丙辰進士。除刑部主事。改工部。歷員外。進郎中。以劾魏忠賢被杖死。崇禎初。贈光祿卿。福王時。追諡忠貞。有元對齋集。

靜志居詩話。天啓中。忤魏璫慘死者。先後一十七人。萬公首受其禍。公初任營繕主事。轉屯田郎。先管寶源局。而隸工。其職掌也。因內官監廢銅不發。疏言其姦。謂珠玉盈筓。金銀滿屋。何欲不遂。顧此廢爛銅器。無足入其目。而必一手握定者。其設心以爲不若是無以操天下之利權。既操天下之利權。不難攬天下之政權。臣有以窺其微矣。疏入。燦旨於午門杖一百。奄人數十輩。蓬擁牽衣。捽髮而前。杖後。伏小璫於闕下。指繫錐刺。踰四日而殞。李忠毅上言曰。燦死矣。未報國恩。先填溝壑。六尺之孤。繞膝。八旬之母。倚闥。旅櫬無歸。游魂懸闕。臣僚飲泣。道路咨嗟。然共知非出於陛下之心也。臣不暇爲燦冤。爲陛下冤。損好生之德。負殺諫臣之名。豈所以作忠勸士哉。夫人臣誠口以待。遲厚利也。危官以招戮。實禍也。身死而天下悲其忠。虛名也。舍保身家榮妻子之計。博此虛名。飢不可食。寒不可衣。將焉用之。况乎傷殘父母之遺體。以從龍。比於九京。人非僕隸。法非訊囚。罪至死刑。命非草芥。廷杖之舉。殊失士心。直俟公論明而卹死錄孤。嗟何及矣。被旨以禮。擾詰責。蓋自公死。忠賢知外廷之無奈。彼何由是鈎黨之獄興。而縉紳之禍烈矣。

田按。董思伯有送萬元白工部歸洪都詩。黃真長有送萬元白詩。使元白杖後四日即死。安得有送行之作耶。考樊玉衡萬元白行狀云。萬歷四年六月十六日被杖。七月七日乃卒。竹垞詩話與明史所謂。越四日即卒。均失考。

次荏平

駐馬在平逢重九。鞠花黃白向人開。居停不是東籬下。那得白衣送酒來。

黃尊素一首

尊素字真長。餘姚人。萬歷丙辰進士。除甯國推官。徵授御史。死璫禍。崇禎初。贈太僕卿。福王時。追諡忠端。有集。

送萬元白

邊境有梟社。有鼠國。是紛麻。何所底。或爲借劍。或請纓。書生分內應如此。有友貌癯膽自雄。直披闔闔追龍逢。文章不回明主意。孤臣酒血向誰通。當時朝上夕被拘。大小宮豎嘯通衢。青天颯然白日淡。衣冠奪氣惟長吁。闔宦已自飽雞肋。天威不霽敢悚息。杖下猶知呼先皇。忠肝尙能通紫極。紫極浮雲有時開。先皇遺澤正堪哀。吾今送子及新秋。君恩曠蕩不更裘。欲贈龍泉勤拂拭。相看留斬佞臣頭。

田按。元白受杖後二十餘日乃死。此當是其未死時送其還鄉詩也。史稱越四日卽卒。失考。

